



共四十二
 小兒痘疹
 保嬰金鏡

蔵
 284
 20



門中武
補卷
584
20

陳氏小兒痘疹方論

薛氏醫按

吳郡薛 已註

江郡魏一元校

嘗謂小兒病症雖多而瘡疹最為重病何則瘡疹之病蓋初起疑似難辨投以他藥不惟無益抑又害之況不言受病之狀孰知畏惡之由父母愛子急於救療醫者失察用藥差舛鮮有不致夭橫者文中每思及此惻然於心因取家藏已驗之方集為一卷名之曰小兒痘疹方論刻梓流布以廣古人活幼之意顧不遑歟

和安郎判太醫局兼翰林良醫陳文中謹書

論痘疹受病之由

夫小兒在胎之時乃母五臟之液所養成形也其母不知禁戒

縱情厚味好啖辛酸或食毒物其氣傳於胞胎之中此毒發為瘡疹名曰三穢液毒○一五臟六腑穢液之毒發為水泡瘡○二皮膜筋肉穢液之毒發為膿水泡瘡○三氣血骨髓穢液之毒發為膿血水泡瘡三毒既出發為疹痘瘡也子母俱忌食葱韭薤蒜醋酒鹽醬犴兔雞犬魚腥等物世俗未曉將為發舉往往不顧其後誤傷者多矣

論痘疹治法

凡小兒瘡疹未出已出之間有類傷寒之狀增寒壯熱身體疼痛大便黃稠此正病也若無他疾不必服藥

愚按痘疹若小兒首尾平和自有勿藥之喜蓋其腸胃軟弱易為虛實故必不得已折其太過益其不足可也

凡療瘡疹先分表裡虛實如表裡俱實者其瘡易出易靨表裡

俱虛者反是表實裡虛者其瘡易出難靨表虛裡實者亦反是若始出一日至十日渾身壯熱大便黃稠乃表裡俱實其瘡必光澤起發滿肥且易靨也

愚按治痘疹之法與癰疽無異若邪氣在裡而實熱者用前胡枳殼散元氣怯而虛熱者用參芪四聖散虛弱者用紫草木香湯虛寒者用參芪內托散虛寒內脫者用木香散若邪氣在表而實熱者用麻黃甘葛湯此要法也餘見各症

凡瘡疹已出未出之間或瀉渴或腹脹或氣促謂之裡虛急用十一味木香散治之

愚按經云真氣奪則虛邪氣勝則實實謂邪氣實而真氣虛也然倒靨瀉渴等症若喜熱飲食手足並冷或不食嘔吐者是為陽氣虛寒也用辛熱之劑補之喜冷飲食手足不冷或

唇舌黑裂者陽氣實熱也用苦寒之劑瀉之

凡瘡疹已出未愈之間不光澤不起發不紅活謂之表虛急用十二味異功散治之

愚按張翼之云吐瀉少食爲裡虛陷伏倒靨灰白爲表虛二者俱見爲表裡俱虛用異功散救之甚至薑附靈砂亦可用若止裡虛減官桂止表虛減肉荳蔻若能食便閉而陷伏倒靨者爲裡實輕用射于鼠粘子湯重用前胡枳殼散下痢吐瀉能食爲裡實若用實裡則結癰毒紅活綻凸爲表實若用補表則潰爛不結痂凡痘一見癰點便忌葛根湯恐發得表虛也

凡痘瘡已出未愈之間不光澤不起發不紅活或腹脹或瀉渴或氣促謂之表裏俱虛急用十二味異功散送七味肉荳蔻丸

治之

愚按前症審係表裡虛寒急用前法緩則不救○一小兒出痘不起發紅活腹脹瀉渴皆以爲不治施院使謂表裡虛寒用十二味異功散一劑卽起發紅活諸症頓退又用參芪內托散貫膿而靨○儒者薛戒甫子五歲出痘三四日下紫血日數滴至八日不止而瘡不起御醫錢春林謂脾氣虛寒用木香散二劑用丁香十一粒人參五錢一日服之次日痘皆起而有膿口是血漸止二十餘日而愈○一小兒起發紅活但不時作痒口乾作渴便血面赤發熱先君謂腸胃有熱先用濟生犀角地黃湯加柴胡一劑諸症漸退形體倦怠此邪氣去而形氣虛弱耳用四君子湯加當歸黃芪紅花一劑而安○一小兒痘瘡赤痛煩熱作渴或便血或衄血先君用犀

角地黄湯而血愈又用紫草快癩湯加黃芪芍藥而愈後瘡
痕色白用四君歸芪治之而痊○一小兒出痘吐血其痘赤
痛如錐或瘡出血余謂肝火熾盛用小柴胡湯加生地一劑
隨用濟生犀角地黄湯一劑頓愈又用芹菜汁而痊○一小
兒痘瘡下血而不起發先君謂氣血不足用紫草快癩湯加
參芪歸本治之血止瘡起但貫膿遲緩用八珍湯倍加參芪
數劑瘡磨而根白痒此氣血虛而熱也用八珍湯二十餘劑
而愈○一小兒痘疹大便下血小便甚赤瘡顏色赤發熱飲
冷先君謂熱毒鬱滯先用八正散一劑後用解毒防風湯一
劑頓愈又飲芹菜汁而全痊○一小兒痘正發而便血倦怠
少食作渴飲湯余謂倦怠便血此脾虛而不能攝血也少食
作渴此脾虛而津液短少也用五味異功散加升麻紫草治

之而愈○一小兒便血腹脹困倦發熱口乾飲湯四肢逆冷
先君以爲脾氣虛寒不能攝血用五味異功散加丁香十粒
炮薑五分二劑血止痘貫而磨○一小兒七歲患痘瘡腹脹
八九日矣先君云當急補脾土不信仍服消毒之藥忽大便
下血甚多而歿○一小兒作渴泄瀉發熱飲冷唇舌皸裂
糞穢臭先君以爲內熱所作用前胡枳殼散一劑稍愈又用
清涼飲加漏蘆乳母服之兒頓安

凡小兒斑駁疹毒之病俗言疹子是肺胃蘊熱因時氣薰發於
外狀如蚊蚤所咬赤則十生一死黑則十死一生大抵遇春而
生發至夏而長成乃陽氣薰蒸故得生成者也臟腑調和血氣
充實則易出易磨蓋因內無冷氣外常和煖也凡痘疹熱渴切
不可與瓜柿蜜水等冷物及清涼飲消毒散等藥恐損脾胃則

腹脹喘悶寒戰咬牙而難治蓋咬牙者齒槁也乃血氣不榮不可妄作熱治

愚按前症若兼吐瀉手足指冷者屬內虛寒而外假熱也急用木香散如不應用異功散若大便不通渴欲飲冷者則前所禁蜜水之類又當用矣但宜審其熱之虛實若屬虛熱者雖欲水拒之而不飲當用人參白朮散熱渴自止屬實熱者白甚索水且喜而飲之當以犀角磨水服諸症即解其後亦無餘毒之患矣北方出痘不拘冬夏若喜冷者再不用藥但與水飲無有不愈蓋北方地燥而又睡熱炕故也○一婦人患時疫將愈更出痘瘡大起發體倦痛甚則昏憤煩渴飲湯不思食用十全大補湯及朱砂末其痛頓止食進體健仍用前湯倍加參芪十餘劑而貫膿又數劑而愈○一妊婦發熱

作渴通身骨節作痛用仙方活命飲一二劑諸症稍愈至十一日出痘百餘顆形氣甚倦用紫草木香散又出少許但口乾作渴用人參白朮散而渴止用八珍湯加柴胡丹皮而貫膿後去丹皮柴胡倍加參芪數劑而痘靨○一男之年將三十出痘根窠赤痛發熱作渴服紫草飲之類前症蓋痘裂出血余用小柴胡加生地犀角二劑諸症頓減又用聖濟犀角地黃湯而貫膿再用八珍湯而結痂○一小兒煩燥飲冷不止先君用濟生犀角地黃湯愈後渴而喜熱又用當歸補血湯而痊惟倦怠少食用七味白朮散而痊○一小兒患此飲冷不止或痘脹痛先君用濟生犀角地黃湯并芹菜汁而頓愈

凡痘瘡出不快多屬於虛若誤謂熱毒壅盛妄用宣利之劑致

臟腑受冷榮衛滯滯不能運達肌膚則瘡不能起發充滿後不結實成痂痒塌煩躁喘渴而死

愚按前症亦有各經熱盛壅遏而出不快者亦有毒甚痘疔而不能發起者亦有餘毒而潰痒者當細審其因而藥之○
一小兒九歲出痘六日痒塌寒戰院使錢密菴用十一味木香散二劑貫膿用參芪托裡散而靨後痕白作痒用十全大補湯而愈○一小兒痘瘡膿未滿面赤作痒余謂氣血虛而有熱欲用溫補之劑不信乃服清熱之藥至十三日瘡痕色赤虛煩作渴腹痛不食手足逆冷而歿○一小兒未週歲痘瘡焮痛出血哭不能已診其母有肝火先用小柴胡加山梔生地與母服子飲數滴頓愈又用加味逍遙散而痊○一小兒出痘內有痘疔數枚雖挑破出黑血熱毒不解餘痘不發皆以爲不治先君以仙方活命飲徐灌一劑痘疔解而諸痘亦愈○一小兒痘疔患在臀間色黑大痛挑出黑血仍復堅痛皆以爲不治先君用隔蒜灸數壯痛止色淡而軟挑出黑血甚多灌以活命飲患處及諸痘貫膿而愈

凡小兒纔覺傷風身熱是否瘡疹便服四味升麻葛根湯

愚按痘疹未明而元氣實者最宜前湯若元氣虛者又當詳治恐發得表虛而痘難出也○一儒者年三十餘因勞役倦怠發熱服補中益氣湯數劑發赤點以爲癩另服升麻葛根湯一劑更加惡寒仍服益氣湯四劑至九日出痘甚多余用八珍湯加黃芪白芷紫草四劑至二十日膿始貫用十全大補湯月餘而靨

凡痘疹始出一日至五七日之間雖身熱或腹脹足稍冷或身

熱瀉渴或身熱驚悸腹脹或身熱出汗者服十一味木香散

愚按前症屬脾氣虛寒假熱非此藥不救如未應佐以六君子專補脾氣更不應加木香補骨脂肉苳蔻兼補腎氣○一
小兒第五日不紅活至九日貫膿不滿余謂氣血虛弱用十全大補湯治之庶無後患不信至脫痂痕作痒色白至十四日而效○一小兒第七日膿清不滿形氣倦怠飲食少思大便不實用托裡散二劑手足指冷咬牙作渴用木香散倍用參芪一劑諸症頓退又用參芪四聖散四劑而愈

凡瀉水穀或白色或淡黃煎十一味木香散送七味肉苳蔻丸治之瀉止者住服不止者多服

愚按前症若察其外症若唇青指冷睡而露睛口鼻氣寒瀉色青白脾腎虛寒也用前藥六君子湯加補骨脂肉苳蔻若

瀉赤體熱睡不露睛口鼻氣熱瀉色黃赤脾土實熱也用瀉

黃散○一小兒腹脹瀉氣促體倦先君以為表裡俱虛用

六君子湯加歸芪送四神丸一服諸症頓退瘡勢頓正但膿遲而渴仍用前湯加歸芪二劑瘡色紅活形體頗安任其貫膿而痊

凡瀉頻津液內耗血氣不榮瘡雖起發亦不能靨也如身溫腹脹咬牙喘渴者難治緣穀食去多津液枯竭飲水蕩散真氣故多死矣速與十一味木香散救之如不應急用十二味異功散愚按前症兼手足指冷而色青白等症者屬陽氣虛寒急用木香散陽氣脫陷用異功散脾氣虛弱用六君子湯血氣虛弱用八珍湯不應用十全大補湯○一小兒第九日不紅汪不貫膿云效於十三日陳院長謂屬虛寒用十一味木香散

二劑漸紅活貫膿又用紫草木香湯及人參白朮散而愈○
族姪孫衍慶六歲出痘稀少瘡痂悉落至十三日身煩熱而
畏寒手足逆冷厚衣圍火不能溫皆謂不治余忽大熱而不
熱者是無火也急用人參理中湯煎服一盃肢體頓溫更用
人參白朮散調理而痊○一男子年二十餘發熱煩躁痘黯
出血足熱腰痛用聖濟犀角地黃湯二劑而貫膿用地黃丸
料數劑而瘡靨○一男子年將三十出痘色紫作渴飲水腰
痛足熱耳聾余謂腎虛之症用加減八味丸料煎與恣飲熱
渴頓止佐以補中益氣湯加五味麥門而愈○一小兒十二
歲出痘色黯兩足及腰熱痛便秘咽舌乾渴引飲不絕眾謂
腎虛不治先君用加減八味丸料作大劑煎與恣飲至二劑
諸症悉退又佐以補中益氣及八珍湯各十餘劑而痊

凡四五日不大便用嫩猪脂一塊以白水煮熟切痘大與食之
令臟腑滋潤使瘡痂易落切不可妄投宣瀉之藥元氣內虛則
瘡毒入裡多傷兒也

愚按前症若因熱內蘊宜用射干鼠粘子湯解之或發熱作
渴或口舌生瘡或咽喉作痛竝宜用之

凡瘡疹初出兩三日至十三日當忌外人及卒暴風寒穢惡之
氣輕者三次出大小不一頭面稀少眼中無根窠紅肥滿光澤
也重者一齊出如蚕種灰白色稠密瀉渴身溫腹脹頭溫足冷
也輕變重者犯房室不忌口先曾瀉飲冷水餌涼藥也重變輕
者避風寒常和煖大便秘也

愚按丹溪先生云痘疹密則毒甚用人參敗毒散犀角地黃
湯或以涼藥解之雖數貼亦不妨○一小兒痘疹甚密至九

日貫膿不滿色不紅活或云當效於十二日余以爲氣血虛弱用八珍湯內加糯米百粒數劑至十五日膿完色正結痂而愈○一小兒五歲出痘密而色白屬虛弱也始末悉用補托之藥而安旬餘飲食過多忽作嘔吐面白兼青目唇牽動先君以爲慢脾風症用五味異功散加升麻柴胡不信翌日手足時搐服前藥而不應急加木香乾薑二劑而愈○一小兒第五日矣稠密色黑煩躁喜冷先君以爲火極似水令恣飲冷芹汁煩熱頓止乃以地黃丸料服之至二十餘日而愈凡身熱發煩渴者宜用六味人參麥門冬散治之如不應用七味人參白朮散

愚按前症若渴而飲冷者脾胃實熱宜用麥門冬散若渴而飲湯者氣虛熱渴宜用白朮散若大渴引飲面赤血虛發躁也用當歸補血湯

凡痘瘡欲靨已靨之間而忽不能靨兼腹脹煩渴者急用十一味木香散

愚按前症若兼惡寒或四肢冷瘡毒去而脾胃虛寒也宜用前藥若十指逆冷咬牙等症陽氣脫陷也用十二味異功散脾氣虛陷用六君加川芎當歸黃芪主之○一小兒九歲出痘第七日發熱煩躁不貫膿色灰白寒戰咬牙瀉渴腹脹手足冷時仲夏飲沸湯而不熱腹中陰冷先用木香散二劑益甚用異功散一劑頓安又用六君子加附子三分二劑後用認補之劑至十四日而愈

凡痘瘡欲靨已靨之間忽頭面溫足指冷或腹脹瀉渴氣促者急服十二味異功散若十一二日當靨不靨身不壯熱悶亂不

寧臥則哽氣煩渴嚙牙者急用十二味異功散加歸朮以救陰陽表裡

凡痘瘡已靨煩渴不止或頭溫足冷或腹脹或瀉或咬牙多致難愈急用十一味木香散以救之已上之症若誤與蜜水生冷之物則轉加熱渴而死

愚按前症屬脾胃虧損內真寒而外假熱耳非溫補不救如前藥未應用十全大補湯加附子以純補之○一小兒頭生一癩出膿將愈忽癩間腫脹發痘二十餘顆遍身赤點用快癩湯而漸出用紫草散倍加參芪而出完用托裡消毒散而膿貫用托裡散而瘡靨○一小兒痘已靨其痕色赤而錯縱日食粥七八碗作渴面赤先用白朮散二劑渴減五六粥減大半又用四君加蕪荑黃連二劑痕平色退乃用八珍湯加

蕪荑山梔而痊○一小兒痘瘡愈後泄瀉飲食不化此脾腎氣虛用六君加補骨脂肉苳蔻治之而愈○一小兒痘瘡將愈患泄瀉侵晨為甚飲食不化屬脾腎虛也朝用補中益氣湯夕用二神丸而愈

凡身壯熱經日不除如無他症用六味柴胡麥門冬散治之熱退即止如不愈服七味人參白朮散

愚按前症若肝膽熱毒用柴胡麥門冬散若肝經血虛用四物湯加黃芪柴胡若中氣虛熱用人參白朮散

一男子患痘瘡作痛發熱不止其勢可畏皆以為不起施銀臺用消毒救苦湯治之諸症頓退予先用仙方活命飲痛全止又用八珍湯加紫草三錢四劑貫膿而靨○一小兒患痘稠密大痛發熱勢甚危急先君用消毒救苦湯一劑安臥良

久遍身出小痘頓消再劑俱貫膿而靨

凡身壯熱大便堅實或口舌生瘡咽喉腫痛皆瘡毒未盡用四味射干鼠粘子湯如不應劑用七味人參白朮散

愚按前症若壯熱飲冷屬熱毒在表宜用前湯若兼大便不通屬熱毒在內少用四順清涼飲若熱毒既去胃氣虛而發熱用七味人參白朮散若因陰血虧損而發熱用四物湯○一小兒六歲患痘第七日根顆赤痛大便秘結小便赤澇煩躁飲冷或用清涼解毒之劑未應錢密菴以爲熱毒內蘊用四順清涼飲一劑并猪膽汁導下結糞而安又用犀角地黃湯其痘自靨○一小兒痘瘡發熱作渴嗽赤脹痛大便秘結先用四順清涼飲一劑諸症頓退又用四味鼠粘子湯一劑諸症全退再用紫草湯而貫膿用消毒飲而痘靨○一小兒

痘愈而聲瘖面赤足心發熱小便赤少先君以爲腎經虛熱用六味地黃丸補中益氣湯而愈其時患是症用清熱解毒者俱不起○一小兒十一歲患痘第四日根盤紅活起發因痛甚不止至七日形氣甚倦痘色淡而欲陷此因痛盛而傷元氣也先用仙方活命飲一劑而痛止再用八珍湯而貫膿凡風熱咳嗽咽膈不利用三味桔梗甘草防風湯治之如不應劑用七味人參白朮散主之

愚按前症如痘熱內作宜用桔梗甘草防風湯如兼痰熱咳嗽佐以抱龍丸若氣虛痰涎壅上宜用人參白朮散以補脾肺○一小兒痘瘡十二日患咳嗽十餘日不愈所服皆發表化痰余曰此脾肺氣虛復傷真氣而變肺癰也不信仍服前藥果吐膿血用桔梗湯而愈○一小兒痘將愈咳嗽面色黃

白嗽甚則赤用五味異功散調補而愈

凡涕唾稠粘身熱鼻乾大便如常小便黃赤用十六味人參清
膈散如不應用人參白朮散

愚按前症屬脾肺蘊熱痘邪為患用清膈散解散邪氣若脾
肺虛熱不能司攝用人參白朮散調補中氣○一小兒痘赤
壯熱咳嗽痰甚煩熱作渴用人參清膈散一劑諸症頓退日
用芹菜汁旬餘而靨○一小兒痘瘡狂喘躁熱作渴飲冷痰
涎不利先君用十六味清膈散犀角地黃湯各一劑頓愈又
用當歸補血湯而愈○一小兒痘赤狂喘大便不利先君治
以犀角地黃湯芹菜汁而痊○一小兒痘愈後涕唾口乾飲
湯鼻塞或腹作脹先用白朮散二劑後用六君子湯而愈
凡痰實壯熱胸中煩悶大便堅實臥則喘急速用五味前胡枳

殼湯治之

愚按前症若因腸胃蘊熱宜急用前湯緩則熱毒延內多致
有悞○一小兒患痘赤痛痧作渴大便不利錢密菴用前
胡枳殼散一劑諸症頓退又用生犀角地黃湯二劑月餘
而愈○一小兒第八日根顆赤腫脹痛作渴大便下黑血煩
渴痰喘飲冷呻吟求治施銀臺以為血熱毒蓄於內用聖濟
犀角地黃湯一劑諸症悉退又用消毒丸及化班湯而愈○
一小兒痘根色赤作痛發熱口渴喜冷大便堅實用清涼飲
一劑痛熱少減再劑便利渴止却用聖濟犀角地黃湯而安
用芹菜汁而靨○一小兒痘根色赤作痛熱渴喜飲冷水大
便不利先用五味前胡枳殼散大便利而熱渴減又用聖濟
犀角地黃湯而安用芹菜汁而靨○一小兒大便不利小便

赤澁作渴飲冷先君用涼膈散一劑漸愈又用濟生犀角地黃湯及芹菜汁而痊若乳母有疔火兒患此症必用加味道遙加黃芩犀角兼治其母○一小兒痘已愈而痕赤作痛內熱作渴二便不利先君用濟生犀角地黃湯及芹菜汁而痊後用四物黃芪而安○一小兒痘痕白或時痒作渴飲湯大便稀澹先君用五味異功散加當歸黃芪而痊○一小兒痘痕白時或痒先君以為氣血俱虛用八珍湯補之不信自用解毒之劑後卒變慢脾風而歿惜哉凡飲冰雪不知寒者陽盛陰虛也飲沸湯不知熱者陰盛陽虛也陽盛則補陰木香散加丁香官桂陰盛則補陽異功散加木香當歸每一兩藥共加一錢

愚按陽盛者當用清涼飲以補陰陰盛者當用異功散以補

陽須審的實而用若或少差死在反掌前云乃傳寫之誤凡痘瘡首尾若誤飲冷水瘡靨之後其痂遲落或生癰腫或成疔蝕蓋脾胃屬土而主肌肉水濕所傷則津液衰少榮衛澁滯不能周流故瘡痂遲落而生癰腫

愚以痘癰之類屬血熱未解而內作外邪搏於肌膚之間或餘毒蘊結經絡輕則肌表津淫癢痒重則肢節壅腫作痛若餘毒熾盛先用仙方活命飲以解其毒却用托裡消毒散毒氣盡用四君歸芪以補托元氣大凡痘瘡始末皆係脾胃之氣所主若飲食藥餌失宜多致變症故凡飲食少思內熱晡熱者屬脾胃氣虛血弱佐以四君芎歸黃芪升麻若飲食如常發熱作痛者屬氣血虛弱餘毒為患佐以射干鼠粘子湯若飲食如常發熱作痛大便秘結者屬熱毒內蘊用大連

翹飲如不應仙方活命飲若根赤而作痒血虛也四物加牡
丹皮色白而作痒血虛也四君加當歸芍藥色赤而作痛血
熱也四物加連翹金銀花腫而不潰血氣虛也用托裡消毒
散潰而不愈脾氣虛也用六君子湯○一小兒痘毒蝕陷敷
以雄黃散及臘加味解毒散而愈○一小兒痘毒遍身腐潰
膿水淋漓以經霜茅草研末鋪於寢席更服九味解毒散頓
愈用神效當歸膏敷之而痊○一小兒痘毒後腿膝腫痛此
脾腎虛而毒流注先用活命飲四劑腫痛頓減再用補中益
氣湯及六味地黃丸而痊○一小兒腿膝腫潰而膿水不止
內熱瞞熱體倦肌瘦先君以為元氣復傷用補陰八珍湯六
味丸三月餘而愈○一小兒痘已愈兩目昏閉先君用鼠粘
子湯加山梔龍胆草犀角目開而有赤白翳佐以蛇蛻散外

用二粉散尋愈

凡瘡疹已醫未愈之間五臟未實肌肉尚虛血氣未復被風邪
相搏則津液澁滯遂成疔蝕宜用雄黃散綿聖散等藥治之久
而不愈則潰多致不起

愚按前症屬足陽明胃經其方解毒殺蟲之劑若毒發於外
元氣未傷者用之多效若胃氣傷損邪火上炎者用蕪荑湯
六味丸若赤痛者用小柴胡湯加生地黃肝脾疔症必用四
味肥兒丸及人參白朮散更佐以九味蘆會丸○一女子痘
痂將脫因其穢氣以湯浴已而身熱如炙四肢強直如發症
然此勝理開泄熱毒乘虛而入用十全大補湯一劑頓安○
一小兒痘出甚密先四肢患毒濃潰而愈後口患疔涎蝕牙
齦先用大蕪荑湯活命飲各一劑又用清胃散加犀角及蟬

類集痘疹已効各方
餘丸而愈後發熱作渴口中作痛服蟬蛭丸搽人中黃而安

葛根麥門冬散 治小兒熱毒斑疹頭痛壯熱心神煩悶

葛根 三錢 麥門冬 四錢 去心 人參 二錢 石膏 半兩

石膏 半兩 升麻 甘草 茯苓 各二錢 赤芍藥 錢一

右為籠散 服三錢水一大盞煎至六分去滓徐徐溫服不拘時量大小增減

愚按前方是陽明胃經之藥也外除表邪內清胃火兼補元氣若非發熱作渴裏有熱者不可用若表裡俱虛而發熱作渴者宜用人參麥門冬散

生地黄散 治小兒痘疹身熱口乾咳嗽心煩者

生地黄 半兩 麥門冬 七錢 杏仁 欬冬花

陳皮 錢二 甘草 半錢

右為籠散每服三錢水一大盞煎至六分去滓徐徐溫服不拘時量大小加減

愚按前方若肺經有熱者宜用此方若痰氣上壅佐以抱龍丸

惺惺散 治小兒風熱瘡疹時氣頭痛壯熱目溢多睡咳嗽喘促

桔梗 炒 真細辛 人參 甘草

白茯苓 真川芎 白朮 各一兩

右為籠散每服三錢水一大盞薄荷五葉生薑三片同煎至六分去滓徐徐溫服不拘時量大小加減

愚按前症方若表虛風熱所乘而致諸症者宜用此藥若表

實內熱相搏而致諸症者宜用升麻葛根湯若兼作渴飲冷者須用葛根麥門冬散大凡瘡疹未出已出之間多增寒壯熱身體疼痛大便黃稠此正病也若無他疾不必服藥

四味升麻葛根湯 治初發熱痘疹未明宜用此湯以散之

白芍藥炒 川升麻一兩 甘草 葛根一兩半
右為龕散每服三錢水一大盞煎至六分去滓不拘時徐徐溫服

愚按前方胃經發表之劑表實而熱毒壅滯於肌肉者須用此藥以疎泄之恐虛其表而痘毒不能托出也

十一味異功散

木香 大腹皮 人參 桂心
赤茯苓 青皮 前胡 訶梨勒去核

半夏羌藥 丁香 甘草炙各三錢

右為龕散每服三錢水一大盞生薑三片同煎至六分去滓空心溫服量大小以意加減

愚按前方治痘瘡已出未愈之間其瘡不光澤不起發不紅活或已出之日至五七日間或泄瀉作渴或肚腹作脹氣促作喘或身雖熱而腹脹足指冷或身熱而作渴或身熱而驚悸腹脹或身熱汗出不止或氣急寒戰咬牙或渴而飲水愈渴或嗜飲醬而不噉或瘡痂欲落不落而反腹脹渴瀉足指寒令或驚悸寒戰咬牙此脾胃終變虛寒津液衰少此發內經微旨陰陽蘊奧非神於術者豈能言哉前症乃陽氣內虛寒而外假熱如痘脾胃虧損諸臟虛寒之敗症急用前散以救胃氣亦有可生者

十二味異功散

木香 三錢

官桂 二錢去粗皮

當歸 二錢半

人參 二錢半

茯苓 二錢

陳皮

厚朴 姜製二錢半

白朮 二錢

半夏 姜製一錢

丁香

肉荳蔻 二錢半 附子 炮去皮一錢半

右為籠散每服三錢水一大盞半生薑五片肥棗三枚煎至

六分去滓空心溫服三歲兒作三服五歲兒作兩服一週兩

歲兒作三服病有大小以意加減此藥家傳五世累經效

驗

愚按前方治痘瘡已出未出不起發不光澤不紅活謂之表

虛宜用此藥治之若已出未愈瘡不光澤或不起發不紅活

或腹脹作渴泄瀉氣促謂之表裏虛寒急用此藥送荳蔻丸

或十一日間不靨壯熱悶亂不寧臥則煩渴咬牙手足指冷

數飲沸湯而不熱圍火重衾而仍寒悉屬表裏虛寒也王太

僕云大寒而盛熱之不熱是無火也當益其心火急用前藥

以回其陽亦有生者

肉荳蔻丸 治瀉水穀或白或淡黃不能止者

木香

確砂仁 三錢

白龍骨 半兩 阿子肉 半兩

赤石脂 七錢

枯白礬 七錢

肉荳蔻 半兩

右為細末用麵糊為丸如黍米大一周歲兒每服三五丸

三歲兒服百丸溫米飲下瀉甚者煎木香散或異功散送下

瀉止住服不必多服

愚按前方治陽氣虛寒腸滑泄瀉之溢劑蓋腎主大便若因

腎氣不固而致前症者宜用木香散送四神丸如不應急煎

六君子湯送四神丸補之蓋荳蔻丸滯滯之功多補益之功

少也

人參麥門冬散 治痘瘡微渴 一名麥門冬散

麥門冬 一兩 人參 甘草 炙 陳皮

白朮 厚朴 炙 各

右為麤散每服三錢水一大盞煎至六分去滓徐徐溫服不

拘時量大小增減

愚按前方若痘瘡熱毒氣虛作渴宜用之若因氣虛弱作渴

用人參白朮散

消毒散 治痘瘡六七日間身壯熱不大便其脈緊盛者用此

藥以微利之 一名消毒散

牛旁子 四兩 荆芥穗 甘草 炙 各

右為麤散每服三錢水一大盞煎至八分去滓不拘時徐徐

溫服

愚按前方若毒在肌肉尚未能盡發而致斯症脈浮而緊者

最宜此藥疎解其毒若痘頓輕脈沉而緊者毒在臟腑宜用

前胡枳殼疎通以絕其源其痘尤輕

柴胡麥門冬散 治痘瘡壯熱經日不止更無他症此藥治之

即六味柴胡麥門冬散

柴胡 二錢 龍胆草 炒 一錢 麥門冬 三錢 甘草 炙

人參 黑參 各半

右為麤散每服三錢水一大盞煎至六分去滓不拘時徐徐

溫服量大小加減

愚按前方若痘瘡表熱根盤色赤嫩痛作渴飲冷或兩目作

痛或素有肝火而患痘瘡者尤宜用之

射干鼠粘子湯 治痘瘡壯熱大便堅實或口舌生瘡咽喉腫痛皆餘毒所致

鼠粘子

四兩 炒

甘草

升麻

射干 各一兩

右為麤散每服三錢水一大盞煎至六分去滓徐徐溫服

愚按前方若痘瘡初出發熱熾痛根盤赤盛或咽喉口舌疼痛作渴引飲者宜用若因胃氣虛弱發熱而致前症者宜用人參麥門冬散

桔梗甘草防風湯 治風熱咽喉不利

桔梗

甘草

防風 各等分

右為麤散每服三錢水一大盞煎至六分去滓徐徐溫服不

拘時量大小加減

愚按前方若上焦風熱或痰涎上攻咽喉不利或口舌生瘡

作渴引飲者須用此藥發散解毒痘雖出亦在輕淺

人參清膈散 治涕唾稠粘身熱鼻乾大便如常小便黃赤宜

用此方治之

人參

柴胡

當歸

芍藥 炒

知母 炒

桑白皮 炒

白朮 炒

黃芪 炒

紫苑

地骨皮

茯苓

甘草

桔梗 炒各一兩

黃芩 半兩

石膏

滑石 各一兩半

右為麤末每服三錢水一大盞生薑三片同煎至六分去滓

不拘時徐徐溫服量大小加減

愚按前症即癰疽因熱毒蘊結於臟腑經絡之間者當用此藥以疎導托裡調和榮衛使邪氣退則元氣不傷而痘瘡易愈也

前胡枳殼散 治痰實壯熱胸中煩悶大便堅實臥則喘急

前胡 一兩 枳殼 赤茯苓 大黃

甘草 炙各 半兩

右為麤散每服三錢水一大盞煎至六分去滓不拘時量大小加減如身溫脈微并瀉者不可服

愚按前症若屬肺胃實熱氣鬱痰滯大便秘結小便赤澀煩渴飲冷身熱脈數者宜用之以表散外邪疎通內臟使邪氣不壅滯且痘瘡輕而易愈也

人參白朮散 治痘瘡已靨身熱不退此藥清神生津除煩止渴

人參 白朮 藿香葉 木香

甘草 白茯苓 六味各 乾葛 三兩

右為麤散每服三錢水一大盞煎至六分去滓不拘時徐徐服

愚按前症若痘瘡已靨身熱或津液少而口乾引飲者胃氣虛弱也宜用人參白朮散若腹脹泄瀉口乾足指寒冷者脾氣虛寒也宜用十一味木香散若形寒惡寒嘔吐不食腹脹瀉渴等症乃脾氣虛寒下陷也用六君子加升麻薑桂如不應急加丁香若發熱煩躁身熱惡衣屬血脫發躁用當歸補血湯大凡痘瘡若脾氣虛弱出不快者悞以為熱毒壅盛用涼藥宣利解散致脾胃受傷元氣愈虛使瘡不起發不克滿不結靨不成痂而痒塌煩躁喘渴死者多矣凡痘瘡首尾不宜與水則瘡靨之後其痂落遲或主癰腫治失其法必成疔蝕瘡血水不絕甚則面黃唇白多致難愈蓋脾胃屬土而主

肌肉故也

韶粉散 治小兒痘瘡纔愈而毒氣尚未全散瘡痂雖落其癩猶黯或凹凸肉起當用此藥塗之

韶粉 一兩

輕粉 一錢

右研和入煉猪脂油拌勻如膏薄塗瘡癩上如痘痂欲落不落當用此方

羊鬪骨髓

右煉入輕粉一錢研成白膏瓷合盛之塗瘡上○如痘瘡痒悞搔成瘡及瘡痂欲落不落用上等白蜜塗之其痂自落亦無紫黑癩痕神妙

愚按前症若痘瘡痕赤而作痒屬血虛而有熱也佐以四物牡丹皮若痕白而作痒氣虛而有熱也佐以四君芎歸瘡痂欲落不落者脾經血氣虛八珍湯若發熱而大便秘結者腸胃內熱也犀角消毒丸發熱而大便調和者肺胃熱也麥門冬散膿水淋漓者肌表熱也用敗草散敷之

雄黃散

治小兒因痘瘡牙齦生疳蝕瘡

雄黃 一錢

銅錄 二錢

右二味同研極細量瘡大小乾糝

綿璽散 治小兒因痘瘡餘毒肢體節骨上有疳蝕瘡膿水不絕

出蠟綿璽 不拘多少

右用生白礬搥碎實璽肉以炭火燒礬汁乾取出為末乾貼疳瘡口內如腫骨作痛更服活命飲
愚按雄黃散清肝殺蟲解毒外治之方也其症所感之經與

所致之因各有不同若因手足陽明經蘊熱所致者用犀角
消毒散若因脾經疳熱者用大蕪荑湯若因腎經虛熱者用
地黃丸若因肝經疳熱者用蕪荑湯送大蘆薈丸○其綿繭
散總治瘡毒膿水淋漓收斂之外劑若果係內無餘毒而未
痊者宜用斂之若因氣血虛而不斂宜用托裏散若發熱腫
痛大便不結用仙方活命飲更以隔蒜灸法若腫痛作渴大
便秘結用四順清涼飲若大便已通腫痛未退仍用活命飲
若發熱倦怠大便調和用八珍湯加犀角如疔蝕未應急用
隔蒜灸若發熱口乾肢體倦怠用八珍湯加黃芪若飲食少
思肢體倦怠用五味異功散加當歸若濃水不絕而發熱用
四物參芪丹皮若膿水不絕而惡寒用四君歸芪惡寒發熱
者用八珍黃芪若乳母肝經血虛發熱用加味逍遙散若肝

經因怒發熱用加味小柴胡湯若肝經因鬱發熱用加味歸
脾湯仍參前痘瘡首尾悞飲水證

穀精草散 治小兒痘瘡已靨眼目翳膜遮障瞳人癢澁淚出
久而不退或十二三日瘡痂已落其瘡癥猶黯或凹或凸此
肌肉尚嫩不可燥浴及食炙煇辛辣有毒之物恐熱毒薰於
肝瞖目生翳障若不能守禁而致患者須用此治之

穀精草 一兩

生蛤粉 二兩

右爲細末以獾豬肝一葉用竹刀批片糝藥在內用草繩縛
定入甞器內量用水慢火煑熟令兒食之

愚按前症若痘瘡愈後餘毒入於肝經而作痛者宜用此方
羊肝散亦効若肝經熱毒眼睛作痛佐以小柴胡湯加生地
黃或犀角地黃湯

解毒湯 治一切熱毒腫痛或風熱搔痒脾胃

黃連 三分

金銀花

連翹 各五分

右水煎服

愚按前症當審其臟腑部分及各隨所因而治之若在乳下必當兼治其母

參湯散 治水痘

地骨皮 半分

麻黃 一分

人參 一分

滑石 半分

大黃 一分

知母

羌活 各一分

甜葶藶 一分

甘草 半分

甘草 半分

右為末每服半錢水一小盞入小麥七粒同煎至十數沸每服三五匙不可多服

愚按前方發表散邪踈通內熱之峻劑若遍身作痛壯熱煩

躁作渴飲冷大便秘結小便澀滯喘嗽等症宜用此方或前

胡枳殼散然水痘多屬表邪若但發熱引飲小便赤色者當

用升麻葛根湯如無他症不必用藥也

右小兒瘡疹無正方論雖有王譚錢氏之書止見其方未見其

源療之者往往以藥宣利解散因耗傷真氣遂至不救者多矣

深可痛憫文中今將祖父秘傳方論集為一卷蓋守此方三十

餘年全活者甚眾百不失一今合廣其傳使患者無枉天之禍

醫者有活人之功此僕之夙心也

附方

三豆飲 治天行痘瘡始覺即服之多者必少少者不出等症

小赤豆

黑豆

菜豆

甘草節 五錢

右水煮熟任兒食之七日自不發

小兒痘疹方

小兒痘疹方

廿三

洪百〇七

紫草木通湯 治痘瘡出不快

紫草

人參

木通

茯苓

糯米

各等分

甘草

減半

右每二錢水煎服

升均湯 治痘瘡已出不勻或吐瀉發熱作渴

升麻

乾葛

芍藥

人參

白朮

炒

茯苓

甘草

紫草

如無紅花代之

右每服三五錢羌水煎

參芪內托散 治痘瘡裡虛發痒或不潰膿或為倒靨等症

人參

黃芪

炒

當歸

川芎

厚朴

姜製

防風

桔梗

炒

白芷

官桂

紫草

木香

甘草

右入糯米一撮水煎服仍量兒加減

紫草快癩湯

治痘疹血氣不足不能發出色不紅活等症

湯草

紫草

人參

白朮

茯苓

當歸

川芎

芍藥

木通

甘草

糯米

右每服二錢水煎

人參胃愛散 治痘瘡已發未發吐瀉不止不思飲食等症

人參

藿香

紫蘇

木瓜

丁香

茯苓

甘草

糯米

右每服三錢姜棗水煎

紫草木香湯

治痘瘡裏虛痒塌黑陷悶亂

薛氏醫按

小兒痘疹

十四

共百〇八

紫草 木香 茯苓 白朮
人參 甘草炒 糯米

右每服三錢水煎

大如聖飲子 治瘡疹癩疽毒攻咽喉腫痛熱渴或成腫毒不

消等症

桔梗 甘草 鼠粘子炒各一兩 麥門冬五錢

右每服二錢水煎

四聖散 治痘疹出不快及倒靨

紫草茸 木通 甘草炙 枳殼麸炒

黃芪各等分

右每服二錢水煎

獨聖散 治痘瘡倒靨陷伏用川山甲取前足嘴上者燒存性

為末以木香湯入少酒服之

快透散 治痘瘡出不快等症

紫草 蟬蛻 木通 芍藥

甘草各等分

右每服二錢水煎

馬按海藏先生云身後水不快足太陽經也用荊芥甘草防

風湯身前出不快手陽明經也用升麻葛根湯四肢出不快

足陽明經也用防風芍藥甘草湯此皆解毒升發之劑也不

可不知

鼠粘子湯 治癩疹稠密身熱等症

鼠粘子炒 當歸 甘草炙各一錢 柴胡
連翹 黃芩 黃芪各一錢半 地骨皮二錢

右每服二錢水煎

紫草散 治痘疹黑陷氣血虛弱瘡疹不起

紫草

甘草

黃芪

糯米各一錢半

右水煎服

益元散 治痘疹初起煩躁作渴等症

滑石六兩

甘草一兩

右各另為末每服五六分白湯調下

活血散 治痘疹血虛熱已出未盡煩躁不寧肚腹疼

白芍藥一兩酒炒

右為末每服一匙糯米湯調下荔枝湯亦可對四君子湯加

歸芪名參歸活血散

參芪四聖散 治痘瘡 有熱出至六七日不能長不生膿或

作痒

人參

黃芪炒

白朮炒

茯苓

當歸

芍藥炒

川芎各五分

紫草如無紅花代之

木通

防風各三分

糯米二百粒

右水一盞煎半盞徐徐服

人參透肌散 治痘瘡起而有熱雖能出快長不齊整隱於肌膚間者

人參

紫草如無紅花代之

白朮

茯苓

當歸

芍藥

木通

蟬退

甘草

糯米各等分

右每服三錢水一盞煎半徐徐服

大連翹飲

治精熱大小便不利及痘後餘毒不解肢體患瘡

薛天壽

小兒痘疹方卷之

廿六

洪百〇十

或丹瘤遊走不止

連翹

瞿麥

荆芥

木通

赤芍藥

當歸

防風

紫胡

滑石

蟬退

甘草各一錢
山梔炒

黃芩炒各五分

右每服三錢水煎一歲每服一二匙三五歲者每服數匙

愚按前方苦寒辛散發散肌表疎通內臟之劑若表裏實熱煩躁飲冷大便不通小便秘結者最宜用之慎不可過劑恐復傷胃氣而變他症也若妄發之則成斑爛妄下之則成虛脫

胡荽酒 治穢氣使痘疹出快

右用胡荽一把以好酒二盞煎一兩沸令乳母每含一兩口

噴兒遍身勻噴頭面房中須燒胡荽香能辟除穢氣使痘疹出快煎過胡荽懸掛房門上最妙

愚按前方最宜用之若痘疹已出而飲食少思宜用藜炙之兒聞棗香猶能開胃氣進飲食解毒氣若因飲食停滯未及沙等遂用此法恐反助其邪以生濕熱則成痘毒也

甘露似子 治積熱及痘後咽喉腫痛口舌生瘡齒斷宜腫

生地黃炒

麥門冬去心

熟地黃

天門冬去心

黃芩炒

石斛

枳殼炒

枇杷葉去毛

茵陳

甘草各等分

右每三錢水煎每服三五匙不可多服

愚按前方涼血解毒除濕清熱寒中之劑治者審之托裡散 治痘毒元氣虛弱或行射伐不能潰散用之未成自

消已成自潰

人參

黃芪炒各二錢

當歸酒洗

白朮

陳皮

熟地黃

茯苓

芍藥炒各一錢五分

甘草各五分

右三五錢水煎服

托裡消毒散 治痘毒氣血虛弱不能起發腐潰收斂或發寒

熱肌肉不生

人參

黃芪炒

當歸酒洗

川芎

芍藥炒

白朮炒

陳皮

茯苓各一錢

金銀花

連翹

白芷各七分

甘草五分

右每服三五錢水煎服

八正散 治下焦積熱大小便不通或小便淋漓脉症俱實者

大黃酒炒

車前子炒

瞿麥

篇蓄

山梔炒

木通各一錢

滑石煨二錢

甘草一錢

右每二錢水煎服

涼膈散 治上焦實熱煩渴面目赤熱頭昏咽燥咽痛口瘡便

瀉赤瀉狂言譫妄睡臥不安

大黃

朴硝

甘草各二兩

連翹一兩

梔子仁

薄荷葉各二錢

右為末每服一錢竹葉蜜些少煎服

解毒防風湯 治痘瘡毒氣熾盛

防風

地骨皮

黃芪

白芍藥炒

荆芥

牛蒡子

右每服四錢水煎服或為末白湯調下

人參理中湯 治中氣虛熱

人參

白朮炒

甘草各等分

右每服一錢姜棗水煎服為末姜汁糊丸棗豆大每服二三
十丸白湯下亦可

六君子湯 治脾胃虛弱不思乳食或嘔吐泄瀉飲食不化或

時患飲食停滯

人參

白朮

茯苓各二錢

陳皮

半夏

甘草各一錢

右每服二三錢姜棗水煎

補中益氣湯 治中氣不足因睡發熱或元氣虛弱感冒風寒

諸症

黃芪炙

人參

白朮炒

甘草炙

當歸

陳皮各五分

升麻

柴胡各二分

右姜棗水煎

瀉黃散

治脾胃實熱

藜香葉

甘草各七錢五分

山梔仁一兩石膏五錢

防風二兩

右用蜜酒微炒為末每一二錢水煎

五味異功散 治脾胃虛弱吐瀉不食

人參

茯苓

白朮

甘草炒

陳皮各等分

右為末每服三錢姜棗水煎

四君子湯 治脾虛飲食不化或泄瀉嘔吐

人參

白茯苓

白朮

甘草各五分

小兒參

小兒參

洪百十三

右水煎服

四物湯 治肝脾血虛發熱日晡益甚或煩躁不寐

當歸 熟地黃各錢 白芍藥錢 川芎五分

右作二劑水煎服

桔梗湯 治咳嗽吐膿痰中有血已成肺癰

桔梗炒 貝母 當歸酒浸 瓜蒌仁

枳殼炒 薏苡仁 桑白皮炒 百合蒸各一分

五味子炒 鮮薑炒 地骨皮 知母炒

甘草節 防風 黃芪炒 杏仁各五分

右每服一二錢水煎

四順清涼飲 治積熱煩赤作渴四肢驚掣大便秘瀉

赤芍藥 當歸 大黃 甘草各等分

右每服一錢水煎

蟾蜍丸 治無辜疔症一服虛熱退二服煩渴止三服瀉痢愈

蟾蜍一枚夏月滿渠中取腹大不跳不鳴身多癩者

右取糞蛆一杓置桶中以尿浸之却將蟾蜍跌死投與蛆食

一晝夜用布袋盛蛆置急流中一宿取出庵上焙乾為末入

麝香一字梗米飯丸麻子大每服二三十九米飲下甚效

人參敗毒散 治傷風時氣寒熱咳嗽

人參 茯苓 甘草炒 前胡

川芎 羌活 獨活 桔梗

柴胡 枳殼各等分

右為末每服一二錢生薑薄荷水煎

仙方活命飲 治一切瘡毒未成內消已成即潰此消毒排膿

黃芪炒

小兒參透方卷之二

三

共百十四

止痛之聖藥也若膿出而腫痛不止元氣虛也當用托裡散之類

川山甲

白芷

防風

沒藥

甘草

赤芍藥

當歸尾

乳香

天花粉

貝母各一錢

金銀花

陳皮各二錢

皂角刺二錢

右每服二三錢酒水各半煎

神効隔蒜灸法 治痘疔毒氣熾盛使諸痘不能貫發已起發者不能貫膿已貫膿者不能收靨或大痛或麻木痛者灸至不痛不痛者灸至痛其毒隨火而散京師嘗見治此者即以線針挑破出毒血諸毒隨時貫膿若挑破不痛不出血者難治若用此法灸之即知痛更用針挑破紫血隨出諸痘隨貫

亦有生者其法用大蒜頭切三分厚安痘疔上用小艾炷於蒜上灸之每五壯易蒜再灸若紫血出後腫痛不止尤宜當灸治者審之

神効當歸膏 治痘毒津淫或湯火等瘡不問已潰未潰

當歸

黃蠟

生地黄各一兩

麻油

右先將當歸地黃入油煎黑去渣入蠟融化候冷攪勻即成膏矣

蛇蛻散 治痘毒目翳

蛇蛻二錢

瓜萎仁五錢

右用羊肝一片批開入藥末二錢線扎緊用米泔煮熟頻與兒食或乳母食

荆芥甘草防風湯 解痘毒

荆芥

甘草

防風各等分

右每服一錢水煎

防風芍藥甘草湯 解痘毒

防風

芍藥

甘草各等分

右每服一錢水煎

麻黃甘草湯 治表實痘毒熾盛

麻黃五分

生甘草三分

右水煎服

輕粉散 治出痘眼內生翳

真輕粉

黃丹各等分

右研左眼有翳吹入右耳右眼有翳吹入左耳更以菘豆皮穀精草白菊花各一兩為末每服三錢乾柿一枚米泔一盞

煎乾將柿去核食之不拘時候日三枚

成都方士禹太和云治痘瘡黑陷垂死者用壁間喜蜘蛛如黃

豆者一枚搗爛若一歲兒用雄黃一厘二歲者用二厘十歲

者一錢再同蜘蛛研勻用好燒酒一杯調和徐徐服之余意

此方即同前十二味與十一味異功散之相類也若因陽氣

虛寒不能營運周身以致四肢逆冷腹脹唇青其色黑陷者

宜用燒酒若因元氣虛乏或色淡白隱隱見於肌膚而不能

起發者宜用陳酒亦可不可拘滯於燒酒也若小兒未週歲

者宜酌量與服之亦不可拘於杯許也又有一等氣血俱虛

者或色淡紅而不光澤又不起發或驚悸咬牙用紫草與紅

花以陳酒濃煎與兒服之亦可以保其全生也用者宜審

諸

抱龍丸

治痰熱喘嗽發熱驚悸不安亦能發痘瘡

膽星 四兩

天竺黃 一兩 雄黃

硃砂 各五錢

麝香 少許

右為細末用甘草一兩煮汁為丸每一兩作二十丸用薄荷或燈心湯化下

造膽星法南星不拘多少腊月臘水侵洗切塊曬乾為末用黃牛膽汁拌勻仍用牛膽殼裝入填滿以線扎口懸掛當風處陰乾隔年方可用

愚按前方清熱豁痰利氣之藥過劑則脾肺復傷而反不愈或更加胸腹作脹飲食作嘔者宜用人參白朮散培補中氣五福化毒丹 治胎毒及痘後頭面生瘡眼目腫痛

生地黃

熟地黃

天門冬 去心 麥門冬 去心

玄參 各三兩

甘草

緝硝 各三兩 青黛 一兩 五錢

右為末煉蜜丸芡實大每服一丸白湯化下

愚按前方生血涼血解毒寒中之劑用之得宜殊有良驗不過一二丸

犀角

毒丸

治諸積熱及痘疹後餘毒生瘡

生地黃

防風

當歸

犀角屑 鎊

荊芥 各一兩

牛蒡子 杵炒

赤芍藥

連翹

桔梗 各七錢

薄荷

黃芩 炒

甘草 各五錢

右為末煉蜜丸芡實每服一丸薄荷湯下

愚按前方清熱解表涼血破血消毒損胃之劑多不過一二丸此 大凡痘毒當參前痘瘡候飲冷水韶粉散治法用之餘做

此

草散 治痘瘡過搔或瘡膿血淋漓謂之斑爛用屋爛草或
蓋牆爛草多年者佳如無曠野生者尤佳為末搽之

愚按前症亦有氣血虛熱而不愈者如遍身患者須多搽鋪
蓆上令兒坐卧其瘡即愈

肝散 治痘毒入眼或無辜疳氣入眼

蜜蒙花

青箱子

决明子

車前子炒

右為末用蜜蒙花末三錢餘藥各一錢拌勻用羊肝一大葉
薄批搽上濕紙裏煨熟空心食之

愚按前症若因肝經風熱傷血宜用本方若因肝經血虛風
燥宜用四物湯加山梔釣藤鈎牡丹皮若因肝經血虛生風
或腎水不能生肝木宜用六味丸若成肝疳者用六味地黃
丸以滋肝腎用四味肥兒丸加人參白朮以補肝脾

一小兒痘瘡目生昏翳或作或徹服退翳之藥不愈診之脈
絃細而數此乃肝腎有疳症余用九味蘆薈丸及六味地黃
丸又與輕粉黃丹散尋愈

一小兒患兩目赤腫痛不可當此肝火為患用四物合小柴
胡加山梔牛蒡子生甘草倍用穀精草數劑而愈

一小兒痘愈後眼痛不開用犀用地黃湯加柴胡湯一劑而
開又生赤翳迷滿仍用前藥加穀精草治之而愈

蟬菊散

治癰瘡入眼或病後生翳障

蟬蛻洗淨
去土

白菊花各等
分

右每服二錢水一盞入蜜少許煎乳食後量兒大小與之

羌菊散 治痘毒上攻生翳并暴赤羞明

羌活

蟬蛻

防風

蛇蛻

菊花 穀精草 木賊 甘草
山梔子 白蒺藜 大黃 黃連

沙苑蒺藜各等分
右為末每服一錢清米泔溫煖調下

丹粉散 治痘毒膿水淋漓
輕粉 黃丹各五分 黃連末二錢

右研勻擦患處

羚羊角散 治小兒癩疹後餘毒不解上攻眼目生翳羞明眵淚俱多紅赤腫閉

羚羊角鎊 黃芩 草決明
車前子 升麻 防風 大黃
芒硝各等分

右以水一盞煎半盞去滓稍熱服

消毒化斑湯 治小兒癩疹未滿二十一日而目疾作者餘症

上同即消毒湯

羌活五分 藜蘆二分 細辛二分 黃連三分
黃芩一分 酒芩二分 酒柏三分 生地黃三分
麻黃五分 升麻五分 白朮一分 蒼朮二分
生甘草一分 吳茱萸半分 陳皮一分 紅花半分
蘇木一分 當歸三分 連翹三分 防風五分
川芎二分 葛根一分 柴胡二分

右作一服水二盞煎至一盞去滓稍熱服

穀精草散 治痘疹已靨翳膜遮障瞳子等症
穀精草 蛤粉 黑豆各二兩

右為末用雄猪肝一葉竹刀批開摻藥在內以麻線縛定
罐內水煮熟令兒食之

當歸補血湯 治血氣損傷或妄服峻劑致氣血益虛肌熱大
渴引飲目赤面紅脉洪大而虛重按全無此病多得於飢飽
勞役者

黃芪炙一兩

當歸酒三錢

右水煎乳母同服

濟生犀角地黄湯 治鬱熱不解經絡隨氣湧泄為衄血或清
道閉塞流入胃腕吐血或餘血停滯面色痿黃大便色黑者

犀角

生地黃

白芍藥

牡丹皮各一錢

右水煎服乳母同服

四神丸 治脾胃虛弱大便不實飲食不思或泄利腹痛等症

肉豆蔻一兩

補骨脂四兩

五味子二兩

吳茱萸浸炒一兩

右為末生薑八兩紅棗一百枚煮熟取棗肉和末丸桐子大
每服五七十九空心或食前白湯服去五味子吳茱萸名二

神丸

四味肥兒丸 治小兒食積五疳或白禿體瘦肚大筋青髮稀

成穗或遍身瘡疥等症

燕蕒炒

神麩炒

麥蘖炒

黃連各等分

右為末猪胆汁丸黍米大每服三十丸木通煎湯下
九味蘆薈丸 治小兒肝脾疳積體瘦熱渴大便不調或癩癧

結核耳內生瘡等症

胡黃連

黃連

蘆薈

木香

蕪荑炒

青皮

白雷丸

鶴膝草各一兩

麝香 三錢

右為末蒸餅糊丸麻子大每服一錢空心白湯下

大蕪荑湯一名蕪子治小兒脾疳少食發熱作渴大便不調

黃脫落面黑便清鼻下生瘡能乳食土等症

山梔 三分

黃柏

甘草 二分

蕪荑 五分

黃連

防風 各二分

麻黃

羌活

柴胡 各三分

白朮

茯苓

當歸 各四分

右每服二三錢水煎

濟生歸脾湯 治脾血虧損健忘驚悸等症

人參

黃芪

茯神 各一錢

甘草 各五分

白朮 炒

木香 五分

遠志

酸棗仁 炒

龍眼肉

當歸 各一錢

右水煎服

愚按前方若乳母憂思傷脾血虛發熱食少體倦或脾不能

攝血以致妄行吐下或健忘怔忡驚悸少寐或心脾作痛自

汗盜汗或肢體腫痛大便不調或經後不准晡熱內熱或唇

瘡流注等症致為患者用之令子母俱服

八味地黃丸即錢氏地黃丸加肉桂附子各一兩

愚按前方治稟賦命門火衰不能生土以致脾土虛寒或飲

食少思或食而不化臍腹疼痛夜多漩溺等若病久元氣耗

損所致尤宜用之或乳母命門火衰兒飲其乳以致前症者

毋宜服之

加減八味丸即六味地黃丸加肉桂一兩五味子四兩治稟父

腎陰不足或吐瀉久病津液虧損口乾作渴或口舌生瘡兩

薛氏醫案

小兒參茸方

世

世百五

足發熱或痰氣上涌手足厥冷等症

八珍湯即前四君子四物二湯相合

愚按前方治氣血俱虛或因尅伐之劑脾胃虧損肌肉消瘦發熱寒熱飲食少思等症

十全大補湯即八珍湯加黃芪肉桂

愚按前方氣血虛弱或稟賦不足寒熱自汗食少體瘦發熱

作渴頭痛眩暈

道遙散加牡丹山梔名

當歸

甘草炙

芍藥酒炒

茯苓

白朮炒

柴胡各一錢

牡丹皮

山梔炒各七分

右水煎服

愚按前方若乳母肝脾血虛內熱或遍身搔痒寒熱或肢體

作痛頭目昏重或怔忡頰赤口燥咽乾或發汗盜汗食少不寐或口舌生瘡耳內作痛或胸乳腹脹小便不利致兒為患者尤宜用之

九味龍胆瀉肝湯 治肝經濕熱或囊癰下疳便毒小便澀滯

或陰囊作痛小便短少愚製

龍胆草

車前子

木通

當歸尾

澤瀉各五分

甘草

黃芩

生地黃

山梔各三分

右水煎子母同服

抑肝散 治肝經虛熱發搐或發熱咬牙或驚悸寒熱或木乘

土而嘔吐痰涎腹膨少食睡卧不安愚製

軟柴胡

甘草各五分

川芎八分

當歸

白朮炒

茯苓

鈞藤鈎各一錢

右水煎子母同服

梔子清肝散一名柴胡散

治三焦及足少陽經風熱耳內作痒生瘡或水出疼痛或胸乳間作痛或寒熱往來

梔子各一錢 牡丹皮各一錢 茯苓

柴胡

芍藥

當歸

牛旁子炒各七分

川芎

甘草

右水煎子母服若太陽頭痛加羌活

柴胡清肝散

治鬢疽及肝胆三焦風熱怒火之症或項胸作痛瘡毒發熱思慮

柴胡一錢

黃芩炒

人參

川芎各一錢

山梔炒一錢半

連翹

甘草五分

桔梗八分

右水煎子母同服

小柴胡湯

加山梔牡丹皮 治傷寒溫熱身熱惡風頭痛項強四肢煩疼往來寒熱嘔噦痰實中暑瘧疾並服之間注

柴胡二錢

黃芩炒一錢半

人參

半夏各七分

甘草分

右羌水煎子母同服

愚按前方若肝胆經風熱肝火癰癧寒熱往來日晡發熱潮熱身熱不欲飲食或怒火口苦耳聾咳嗽或脇痛胸滿小便不利或泄瀉吐酸苦水或肢體痛動唇目抽劄並宜用之

用法 治丹毒疔瘡紅絲走散或時毒瘀血壅盛或色赤走亂

用細磁器擊碎取有鋒芒者以筋劈開頭夾之麻線纏定兩

指輕撮筋稍令磁芒正對患處懸寸許再用筋頻擊

指輕撮筋稍令磁芒正對患處懸寸許再用筋頻擊

指輕撮筋稍令磁芒正對患處懸寸許再用筋頻擊

神功散 治痘毒腫焮作痛未成者敷之即散已潰者敷之腫痛即消

黃栢炒

草烏炒

血竭加

右為末等分津調敷患處

製附子法

附子重一兩三四錢有蓮花瓣頭圓底平者先備童便五六碗將附子先放在竈上烟櫃中間良久乘熱投入童便浸五七日候潤透揭皮切四塊仍浸二三日用粗紙數層包之濕埋灰火半日取出切片檢視有白星者仍用瓦上炙熟至無白星為度如急用即切大片用童便煮二三沸熱瓦熟之

丹溪先生解瘡毒藥

絲瓜

升麻

芍藥酒炒

生甘草

山查

黑豆

赤小豆

犀角切各等分

右為散每服三錢水一大盞煎至六分去滓不拘時徐徐


溫服量大小加減

稀痘方

用老鼠去皮取肉水煮熟量兒大小與食數次出痘甚稀未食葷時與食尤効屢試屢驗

保嬰金鏡錄

面部見色王症



薛氏醫按

吳郡薛 已註

江郡魏一元校

凡小兒半週兩
 歲為嬰兒三四
 歲為孩兒五六
 歲為小兒七八
 歲為齠齖九歲
 為童子十歲為
 稚子矣

保嬰金鏡錄

卷之二

七

保嬰金鏡錄

卷之二

七

七

全幼心鑑云小兒半歲之間有病當於額前眉端髮際之間以
名中食三指橫按之兒頭在左舉右手在右舉左手食指爲上
中指爲中名指爲下若三指俱熱主感受風邪鼻塞氣粗發熱
咳 若三指俱冷主外感內傷發熱吐瀉若食中指熱主上熱
下冷名中指熱主夾驚食指熱主胃膈氣滿乳食不消○竊謂
額間赤色主心經風熱煩躁驚悸若發熱作渴飲水或發叫哭
屬本經實熱用瀉心湯以清心火微赤則困卧而悸發熱作渴
飲湯屬虛熱用秘旨安神丸以生心血青黑主驚風腹痛或癩
癢啼叫青黑甚主心腹疼此寒水勝心火爲賊邪用益黃散以
補脾胃微黃皮躁主驚疳此心經疳症用秘旨安神丸以養心
血骨蒸作渴盜汗頭髮乾黃此爲腎疳用地黃丸以滋補肝腎
○左臉青或兼赤乃肝經風熱項強頓悶發搐目劓癩癢用柴

胡清肝散主之虛熱用地黃丸補之青黑主肝剋脾虛寒驚搐
腹痛用六君姜桂溫之微赤主潮熱血虛心躁用秘旨安神丸
佐以地黃丸○右臉赤主肺大腸實熱氣粗欬發熱飲水用
瀉白散若哽氣出氣唇白氣短屬虛熱用五味異功散脾熱所
傳用清胃散心火所刑用人參平肺散淡赤主潮熱心躁或大
便堅秘用宣明柴胡飲子以疎導其熱如潮熱未止更用鉤藤
飲以清肝補脾色青白主欬惡心先用惺惺散解其表邪健
其脾土繼以六君子湯調補中氣色青黑主驚風腹痛盤腸內
疳此肝木侮脾土用六君子湯加釣藤鉤以調補元氣不宜治
肝○鼻色赤主脾胃實熱身熱飲水飲食如常用瀉黃散清熱
理脾微赤主脾經虛熱飲食難化而不思食用五味異功散以
補中健脾色身黃主小便不通鼻中乾燥氣粗衄血乃脾熱傳

於肺腎先用濟生犀角地黄湯清熱養血後用地黃丸以滋益
腎水色淡白乃脾氣虛弱主泄瀉飲食不化用六君子以調補
中氣青色主脾土虛寒肝木所勝用五味異功散加木香炮姜
溫中平肝。頰間色赤主腎與膀胱陰虛有熱而小便不通用
四物湯加山梔以養血清熱赤甚主膀胱氣滯而熱結用五淋
散以分利其邪若鼻準微黃兼右腮微赤乃脾肺燥熱不能化
生腎水用黃芩清肺飲膀胱陰虛陽無所生用滋腎丸若頰間
微赤乃膀胱陽虛陰無所化用六味地黃丸若兼小腹脹滿或
陰囊腫脹屬陰虛濕熱壅滯用六味丸加車前子牛膝兼脾肺
氣虛不能通調水道者亦用前藥其小便赤色久而尿血亦屬
肝腎氣虛有熱用六味地黃丸主之不應則用補中益氣湯益
脾肺生腎肝若小便後出白津或莖作痛者屬肝經濕熱先用

龍胆瀉肝湯後用六味地黃丸。印堂色青黑主腹痛夜啼此
脾經虛寒脾屬至陰故夜間腹痛而啼用釣藤飲色淡白主泄
瀉飲食不化屬脾氣虛弱用五味異功散加木香主之。目內
色青主肝經風熱發驚若直視叫哭屬肝經實熱用抑肝散兼
咬牙頓悶屬虛熱用六味地黃丸色赤主心肝二經發熱抽搐
煩躁若小便赤屬小腸實熱用導赤散若驚悸倦怠屬肝經血
虛用六味地黃丸色黃主脾積少食夜間發熱用四味肥兒丸
飲食停滯吐瀉並作用胃苓散去桂加茵陳山梔目鮮發搐眼
眨屬風熱相搏先用柴胡梔子散後用六味地黃丸眼胞微腫
主久咳惡心或脾疳食積用五味異功散補脾肺兼肥兒丸以
消積滯或目視不明或雀目揩拭眉眼此欲生風也急用抑肝
散以解之睛尾紅絲乃肝木勝脾土先用四君子加柴胡山梔

後生地黃丸。人中色黃主傷食青主乳食不化噎噫酸腐此脾虛停滯用平胃散以消積和中色青赤主驚肝氣傷脾用五味異功散加柴胡以平肝補中。唇色白主吐涎嘔逆或吐血便血乃脾氣虛弱不能攝涎統血歸源急用六君子湯調補中氣則諸病自愈切忌涼藥若色赤乾燥而皺者主脾經有熱發熱作渴口中氣臭大便不通煩躁不寐先以清胃散治其熱更以六君子湯加黃連山梔兼補其脾色黃主脾經食積泄瀉飲食不化以六君子湯溫補中氣色赤兼白主衄血乃脾肺虛熱不能攝血用聖濟犀角地黃湯以清熱補血兼用六君子以補脾氣久不愈用麥門冬散或人參補肺湯。口畔色黃主脾經積熱用清胃散以理脾清熱若唇口抽動主驚熱不安用五味異功散加山梔釣藤鈎以補脾平肝若口流涎唇色紫乃胃氣

虛寒也用益黃散若腹中痛口吐涎水者乃蟲痛也先用蕪荑散後用調中丸不吐涎者乃積痛也但用五味異功散調補胃氣手足並冷用理中湯加烏梅溫補中氣則蟲不動而痛自止矣亦有積痛者或吐後痛止或去後痛止者宜用消積丸消導積滯佐以異功散調補胃氣。耳前微赤此少陽經風熱也用柴胡梔子散生肝血清肝火微黃主睡中驚悸咬牙因肝脾虛熱宜用四君子加芎歸以安神。耳輪乾燥主骨痺蒸熱為腎經虛熱也用六味地黃丸補之若小便後出白津或陰莖痒痛者屬肝經濕熱也先用龍胆瀉肝湯後用六味地黃丸若稟氣不足或早近女色致小便澀滯或作痛如淋者急用六味地黃丸補中益氣湯滋其化源或大小便道牽痛者尤為虛也亦用前藥加牛膝車前子肉桂救之如手足逆冷或畏寒飲食陽氣

虛寒也急加附子多有生者大抵小兒之症多因稟賦臟氣不平或乳食寒暑失宜或妊娠飲食起居六淫七情所致若初病元氣無虧乳食如常發熱壯熱二便秘結作渴飲水卧不露睛者悉屬形病俱實當治邪氣若病久元氣已虧食少發熱口乾飲湯嘔吐泄瀉肢體畏寒卧而露睛者悉屬形病俱虛當補正氣况今之小兒元氣與昔不同用藥失宜脾胃先傷豈可泥古方而施治哉余故考諸名家宗諸東垣於凡諸症各補以方藥治者能即色以驗其病察病以固其本斯無失矣是以古之治病望色為先也且驚則氣散脉亂不可專診故必兼察色心鑑云若面色未盡當參之以指脉指脉未盡當參之以面色色脉兼盡無餘蘊矣

治驗

一 小兒癩瘕啼叫額間青黑此驚風肝木乘脾腹中作痛也先用六君子湯加木香柴胡鈞藤鈞啼叫漸緩更加當歸又一劑而安

一 小兒嘔吐不食手足搐搦痰涎上湧手足指冷額黑唇青此腎水勝心火也用五味異功散加木香炮姜頓安乃去炮姜再劑而愈

一 小兒煩躁驚悸熱渴飲冷額間色赤此心經實熱所致先用瀉心湯一服稍緩又用柴胡梔子散而瘥

一 小兒四肢消瘦肚腹漸大寒熱嗜卧作渴引飲余曰症屬肝脾名為丁奚哺露也以白朮散為主佐以徐氏十全丹月餘諸症漸愈乃以異功散加當歸及六味丸又月餘尋愈

一 小兒患前症諸症悉具熱如火炙病狀不能盡述朝用異功

散夕用四味肥兒丸月餘諸病稍愈佐以地黃丸自能行立遂朝以地黃丸夕以異功散及蝦蟆丸數服而全愈

一小兒四肢消瘦肚腹脹大行步不能狀如蜘蛛頗能飲食作渴發熱去後臭穢此脾藏傷也以十全丹數服諸症漸愈又用異功散肥兒丸調理肢體如常

一小兒發熱拘急或四肢痠癢左顛色赤此心肝二經風熱相搏先用柴胡清肝散以清心肝之熱次用六味地黃丸以生肝腎之血頓安

一小兒發熱啼叫手足指冷左顛青黑此肝脾虛弱腎水反侮脾土用六君子湯加羌桂一劑頓安又以四君子加芎歸及補肝散而愈

一小兒潮熱煩躁左顛青赤此心肝血虛用秘旨安神丸及四物湯加防風酸棗仁治之尋愈又用六味地黃丸調補肝腎

一小兒潮熱發熱痰涎上湧手足指冷左顛至申酉時青中隱白手足時搐此肝經虛弱肺金所勝而潮搐脾土虛弱而手足冷也用補中益氣湯以調補脾肺用六味地黃丸以滋補肝腎而愈蓋病氣有餘當認為元氣不足若用瀉金伐肝清熱化痰則誤矣

一小兒發熱咳嗽左顛色赤此脾金有熱用瀉白散而愈復感冒風邪前症更作又加聲重流涕用參蘇飲加杏仁桑皮而愈

但右顛仍赤兼額微赤此兼心火乘肺金也用人參平肺散一劑遂痊

一小兒五歲作渴右腮鼻準微赤或飲冷水或服涼藥即時嘔吐余曰右腮微赤肺經虛熱也鼻準微赤胃經虛熱也此胃虛

薛氏醫按 保嬰金鏡錄 卷之六 共百三十一

不能生肺耳先用四君子加升麻一劑服之而不吐又用白朮散二劑而不渴再用四君子四劑而安

一小兒潮熱煩渴大便乾實氣促咳嗽右顙色赤此肺與大腸有熱用柴胡飲子一服諸症頓退後因微驚又發搐咬牙頓悶此肝脾氣虛也用四君子加芎歸鈞藤鈎而愈

一小兒咳嗽惡心鼻塞流涕右腮色青白此脾肺氣虛而外邪所乘先用惺惺散咳嗽頓愈但飲食不思手足指冷此外症雖去而元氣尚虛也用六君子少加升麻一劑而痊

一小兒腰曲啼叫右腮色青黑此臍腹內痛即盤腸內疝也因脾土虛寒肝木來乘故耳用六君子加木香鈞藤鈎頓痊

一小兒發熱飲食少思大便不實常服蘆薈等丸視其鼻赤此寒涼之劑復傷脾土而虛熱也用五味異功散數劑而元氣復

一小兒小便不利鼻乾衄血鼻間色赤屬脾肺有熱用濟生犀角地黃湯前症已愈後頰間常赤作渴有痰此稟賦腎氣不足用地黃丸而諸症皆瘥

一小兒發熱作渴用瀉黃散大便重墜口角流涎仍欲瀉火余曰鼻準青白多而黃色少屬脾胃虛寒肝木所侮蓋口角流涎胃氣不能統攝也大便秘重墜脾氣不能上升也不信另用涼劑果眉唇微動四肢微搐余曰此虛極而變慢脾風也用六君子加當歸木香炮姜鈞藤鈎二劑益甚意欲更劑余曰此藥力未及也設前藥不對其症禍在反掌矣仍以前藥加炮附子一片服之即安乃去附子又二劑調理而愈

一小兒小便不利服五苓散之類不應頰間及左顙色赤乃肝腎虛熱用四物湯加山梔而愈後因感冒悞用發汗小便仍前

不利余用補中益氣湯加麥門五味調補脾肺而愈

一小兒小便不利及莖中澀痛或尿血石此稟父腎熱為患先則五淋散以疎導又用滋腎丸地黃丸補其肝腎漸愈出痘後小便短赤頰間右頤或赤或白屬肺腎氣虛而熱也用補中益氣湯六味地黃丸而痊

一小兒印堂青黑至夜啼搐余謂脾土虛寒用釣藤飲而安後因驚發搐夜啼用釣藤飲前症頓止又用異功散而愈

一小兒八歲腹腫脹臍凸出大便下血糞亦似痢小水短少面目皆黃兩腮兼亦此食積傷脾又兼肝木所侮脾土蓋脾病則肺氣虛而不能生腎水矣故有是症當先消導其積滯遂用越鞠丸末加三稜蓬朮三錢以淡菴湯調和入酒二匙服之腹中鳴動二便頗利丹服二錢腹劑頓消却用大安丸末二錢腹臍

全消便血亦止口進薄粥杯許腹中頓痞惡心吐痰不出此脾虛不能腐化而成痰滯也用六君子末二錢以姜湯和服調補胃氣飲食漸進但日晡熱倦腹中覺脹此脾虛故陰分而作用補中益氣湯而痊後復傷食發熱腹脹小便下血保和丸四服而愈

一小兒目內色青發搐目直上視叫哭不已或用牛黃清心丸不愈反咬牙頓悶小便自遺此肝經血氣虛甚故耳余用補中益氣湯及六味地黃丸而痊

一小兒發搐目搭屬肝胆經風熱先用柴胡清肝散以清其肝後用六味地黃丸以補其腎而痊

一小兒眼胞微腫欬嗽惡心小便淋白余謂脾疳食積脾氣虛甚也以五味異功散為主佐以四味肥兒丸而愈後不禁飲食

薛氏醫案 傷寒金鑑卷之
視物不明余曰此脾胃復傷須補養為主不信乃服峻厲之劑後變風症竟為不起

一小兒人中青黃噯腐酸氣用平胃散一服宿滯頓化余云不必多藥但節其飲食自愈不信復傷食而噯腐另用尅滯之藥更加吐瀉以致不救惜夫

一小兒傷食嘔吐服尅伐之藥嘔中見血用清熱涼血之藥又大便下血唇色白而或青問其故於余余曰此脾土虧損肝木所乘而然也今空心用補中益氣湯食遠用異功散以調補中氣使涎血各歸其源而愈


一小兒五歲食粽後咬牙欲吐頃間腹脹昏憤鼻青黃赤此脾土傷而心肝所動食積發厥也先令雞翎探吐出酸物頓惺節其飲食勿藥而愈

一小兒生旬日面目清黃此胎黃症娠姪胃熱也用瀉黃散乳調少許卽愈後復身黃吐舌仍用前散而安

一小兒四歲發熱飲冷口内生瘡額鼻黃赤吐舌流涎余謂心脾有熱用導赤瀉黃二散而愈後復作余因他往服清熱化痰等藥前症益甚更弄舌余用異功散加釣藤鈎而安又用六君子湯而愈蓋吐舌者為脾經實熱而舌長出也弄舌者乃脾臟虛熱也今舌時舒而卽收也治者審之

一小兒三歲言步未能牙髮猶少體瘦骨立面赤作渴服肥兒丸不應余謂此腎虛疰症乃稟父精氣不足故也蓋肥兒丸脾胃經之藥也久服則腎益虛而疰益甚不信果牙髮漸落余用六味地黃丸加鹿茸五味子半載元氣健而諸症愈

虎口三關脈紋主症



水鏡訣云陰陽適合男女成形已分九竅四肢乃生五臟六腑
部位各分逆順難明若憑寸口之浮沉必乃橫亡於孩子須明
虎口辨別三關消詳用藥必無差誤未至三歲看虎口及三關
若脉見風關初病則易治交氣關則難治交命關則病深矣症
又當辨其色如獸驚三關必青水驚三關必赤人驚三關必黑

若紫色主瀉痢黃色是雷驚三關脉通度是極驚之症必死或
青或紅有紋如線直者是母食傷脾左右一樣者是驚與積齊
發紋有三條是肺生風痰或作齕胎聲青是傷寒主痰嗽色
紅主瀉有黑相兼主下痢紅多者赤痢黑多者白痢有紫相兼
虎口脉亂乃脾胃不和蓋脉紋見有五色由其病甚紋色更變
至於純黑者不可得而治矣又當參辨脉形主之

十三指形主症

流珠形

長珠形




薛氏醫法 卷之六 洪百三

蘇氏醫方 卷之六

環珠形



來蛇形




去蛇形



弓反外形




反裏形



鎗形



魚骨形



針形



蘇氏醫方

卷之六

共百三五

水字形



透關射指形



透關射甲形



愚謂古人云小兒為芽兒如草之芽如水之漚然也蓋因臟腑脆嫩口不能言最難投劑是以有察面色而知其病者禹次驗虎口以辨其所因矣然猶未足以盡病之證故余復註十三指形實為治法之簡便爾若流珠形者主飲食所傷內熱欲吐或腸鳴自利煩躁啼哭用胃苓膏消飲食分陰陽若食既消而仍吐瀉腸鳴用香砂助胃膏溫補脾胃○環珠形主脾虛停食胸膈脹滿煩渴發熱用五味異功散加山渣枳實健脾消食後用六君子湯調養中氣○長珠形主脾傷積滯肚腹作痛寒熱不食先用大安丸消其積滯次以五味異功散健其脾氣○來蛇形主脾胃濕熱中脘不利乾嘔不食此疳邪內作用四味肥兒丸治疳用四君子補脾○去蛇形主脾虛食積吐瀉煩渴氣短喘急不食困睡先用六君子湯加山查枳實健脾消積次以七味

洪百云
世
法

白朮散調補胃氣。○方反裏形主感冒寒邪噁氣出氣驚悸倦
怠四肢稍冷小便赤色咳嗽吐涎先用惺惺散助胃氣祛外邪
後以五味異功散加茯神當歸養心血助脾氣若外邪既解而
驚悸肢冷乃脾氣尚虛宜七味白朮散補之若悶亂氣粗喘促
噁氣者難治肺虛甚也。○弓反外形主痰熱心神恍惚夾驚夾
食或食癩風癩脾肺氣虛而風熱痰盛也先以天麻防風丸祛
外邪又以五味異功散調中氣。○鎗形主風熱生痰發搐驚風
先用抱龍丸如未應用牛黃清心丸若傳於脾肺或過用風痰
之藥而見一切諸症者專調補脾胃其病自愈。○魚骨形主驚
痰發熱先用抱龍丸如未應屬肝火實熱少用抑青丸隨用六
味地黃丸或發熱少食或痰盛發搐乃肝木剋脾土也用六君
子加柴胡調補脾土而制肝木。○水字形主驚風食積胸膈煩

躁煩悶少食或夜啼痰盛口噤搐搦此脾胃虛弱飲食積滯肝
木剋脾土也初患用大安丸消導飲食次以六君子湯加釣藤
鈎補中清肝若已服消食化痰等劑反傷元氣者用四君子加
升麻柴胡釣藤鈎以升補脾胃平制肝木。○針形主心肝熱極
生風驚悸煩悶困倦不食痰盛搐搦先用抱龍丸祛風化痰次
用六君子湯加釣藤鈎平肝實脾。○透關射指主驚風痰熱聚
於胸膈乃脾肺虧損痰邪聚先用牛黃清心丸清脾肺化痰
涎次用六君子湯加桔梗山藥補脾土益肺金。○透關射甲主
驚風脾土虧損肝木剋制之敗症急用六君子湯加木香釣藤
鈎官桂以溫脾土未應即加附子以回陽氣多得生者

流珠只一點紅色環珠差大長珠圓長已上非謂圓子總皆
紅脉貫氣之如此來蛇即是長珠散一頭大一頭尖去蛇亦

如此分上下朝故曰來去角弓反張向裡為順向外為逆鎗形直上魚骨分開水字即三脉並行針形即過關一二粒米許射甲命脉向外透指命脉曲裡雖然余常治之亦有不專執其形脉而投劑者蓋但有是症即服是藥而已

流珠形症

一小兒發熱吐瀉腹脹不乳其紋如流珠此脾胃氣傷先用香砂助胃膏後用六君子湯全愈

長珠形症

一小兒寒熱作嘔飲食不入按其腹乃哭脉紋如長珠此飲食停滯也先用大安丸吐瀉宿滯遂安但唇目抽動大便稀黃此病邪去而虛熱所迫也用六君子湯加釣藤湯而愈

環珠形症

一小兒胸腹膨脹發熱頰悶脉紋如環珠以手按腹即哭此屬脾胃虛而飲食停滯也先用保和丸一服前症如失更加煩渴按其腹不哭矣此宿食去而脾胃復傷也用五味異功散加柴胡治之頗廖

來蛇形症

一小兒不時乾嘔乳食不進肚腹膨脹其形如來蛇此脾胃虛而成疳也用四味肥兒丸治疳佐以四君子加蘇莢健中而痊後傷飲食吐瀉完穀形氣甚困四肢微搐視其紋如去蛇余曰且不用藥次日吐止但搐而瀉青黃此脾土虛而肝木勝用六君子加釣藤鈎而痊

去蛇形症

一小兒未及週歲氣短喘急乳食少進時或吐乳視其形如去

蛇乃脾傷而食積先用六君子加山查枳實漸愈後乳食復湯吐瀉作渴候二日不止與胃苓膏以治吐瀉七味白朮散生胃氣而愈

弓反外形症

一小兒睡卧驚悸發熱痰盛脉形如弓之向外此因驚木旺傷脾而食不消也先以天麻防風丸祛風定驚後用五味異功散壯脾止搐而瘥

弓反裡形症

一小兒沉默昏倦肢冷驚悸其紋如弓之向裡此脾肺氣虛而外感寒邪也先用惺惺散以解外邪調胃氣諸症頓愈但手足逆冷又用六君子湯調補元氣而安

鎗形症

一小兒患咳嗽服牛黃清心丸加喘促腹脹余視其右臉赤脉紋形如鎗屬脾氣復傷用六君子湯頓安

魚骨形症

一小兒沉困發熱驚搐不乳視其脉紋如亂魚骨此風熱急驚之症也先用抱龍丸少許祛風化痰後用六君子湯加柴胡壯脾平肝而愈

針形症

一小兒咳嗽發熱右臉赤色作渴煩悶倦怠少食肚腹作脹脉紋如針此風邪傷肺而飲食傷脾也先用六君子湯加桔梗杏仁柴胡一劑諸症少愈後去杏仁柴胡再劑而安

水字形症

一小兒發熱夜啼乳食不進昏迷抽搐痰盛口噤脉紋如水字

薛氏醫案 卷之七 雜錄 洪百疔

此脾肺氣虛風木所乘痰食積於胸腹也先用大安丸後用六君子加鈎藤鈎而痊

透關射指形症

一小兒發熱右臉赤咳嗽痰盛其脈紋透關射指余以為風邪蘊結於肺而痰作用二陳湯加桑皮杏仁桔梗治之自用發散降火之劑風痰不退發熱益甚余曰此脾肺俱虛治失其宜遂用五味異功散加桔梗四劑漸愈又用六君子湯而痊

透關射甲形症

一小兒停食發熱服苓連三稜厚朴等劑飲食日少胸腹膨脹其紋透至指甲用補中益氣湯加木香鈎藤鈎溫補脾氣制肝木數劑漸効又用六君子湯加炮姜治之而安其泛用金石腦麝祛逐之劑變驚而死者不能枚舉惜哉

愚謂凡小兒在月內外者調補之劑每服亦不過二三匙若表散攻伐之藥則每服只可匙許而已過多則反傷元氣餘當量大小虛實加減若乳母之疾致兒為患當治母為主子少服之後倣此

錢氏瀉青丸 治肝經實熱急驚加搗

羌活

大黃煨

川芎

山梔仁炒

龍胆草酒炒

當歸

防風各等分

右為末煉密丸芡實大每服半丸煎竹葉湯入砂糖化下愚按前方足厥陰經解散肌邪疎通內熱之藥也若大便秘結煩渴飲冷飲食如常者屬形病俱實宜用此以瀉之若大便調和煩渴飲冷屬病氣實而形氣虛宜用抑肝散平之若大便不實作渴飲湯飲食少思肢體倦怠者屬形病俱虛宜

用地黃丸補之大抵前症若肝經血虛風熱先用四物湯加
鈎藤鈎以生肝血繼用四君子湯以補脾土若因肝經血燥
痰盛用地黃丸滋腎水生肝大四君子加芍藥實脾土生肺
金若因肺金剋肝木用六君子湯加芍藥實脾土以平肺金
若屢行攻伐而脾土虛寒者急服六君子湯加丁香木香補
脾胃以培陽氣若因乳母恚怒肝火致兒為患者母服加味
逍遙散子亦吮數

錢氏地黃丸 治肝疳白瘰遮睛瀉血失音身瘦瘡疥又治腎
怯不言解顛行遲疔症一名六味地黃丸

熟地黃 八錢 酒洗

山茱萸肉

乾山藥 各四錢 澤瀉

牡丹皮

白茯苓 各三錢

右為末用地黃膏量加米糊丸桐子大每服二三十丸空心

白湯化下其地黃用生者自製杵膏

愚按前丸治肝經血虛燥熱或腎經虛熱作渴小便淋秘痰
氣上壅或風客滯氣患癩癰結核或四肢發搐眼目瞶動或
咳嗽吐血頭目眩暈或咽喉燥痛口舌瘡裂或自汗盜汗便
血諸血或稟情不足肢體瘦弱解顛失音或畏明下窺五遲
五軟腎疳肝疳或早洩女色精血虧耗五臟齊損凡屬腎肝
諸虛不足之症皆宜用此以滋化源其功不能盡述

瀉白散 治咳嗽痰喘面腫身熱

桑根白皮 炒

地骨皮 各一兩

甘草 炒五錢

右為末每服一二錢入粳米百粒水煎

愚按活人方云喘者肺氣盛而有餘然氣盛當認作氣衰有
餘當認作不足蓋肺氣盛者肺中之火盛也有餘者肺中之

邪有餘也其脉右寸必浮而有力右頰色赤前藥所以瀉之
世之多不用人參蓋泥於肺熱還傷肺之說以致誤人多矣
前症若乳母感冒風寒肺經蘊熱致兒為患用十味參蘇飲
若乳母膏梁醇酒積熱致兒為患用加味清胃散

錢氏瀉黃散

一名瀉脾散

治脾熱吐舌

霍香

七錢

山梔仁

炒一兩

石膏

甘草

炒各五錢

防風

二兩

右蜜酒微炒為末每服一二錢水煎

愚按前方治脾胃實熱之法也若作渴飲水肢體壯熱元氣
無虧者宜用之若作渴飲熱弄舌體溫元氣虛弱者宜五味
異功散

錢氏瀉心湯

治心經實熱

黃連

右為末每服一錢臨卧溫湯調下

愚按前症若仰面而卧叫哭發熱飲水或發抽搐屬心經實
熱宜用前方若合面而睡驚悸上竄咬牙屬心經虛熱宜用
導赤散若因乳母膏梁醇酒致兒發熱者用加味清胃散令
母服子亦飲數滴

錢氏益黃散

一名補脾散

治脾胃虛冷吐瀉

陳皮

一兩

青皮

訶子肉

各五分

甘草

五分

丁香

二錢

右為末每服二錢水煎

愚按前症若脾土虛寒或寒水侮土而嘔吐泄瀉手足並冷
或痰涎上壅睡而露睛不思乳食宜用此方若因脾土虛弱

錢氏瀉心湯

治心經實熱

洪百三

吐瀉者用六君子湯加柴胡如不應或手足俱冷屬虛寒也
更加木香炮姜若因乳母脾虛肝侮亦治以前藥若乳母鬱
怒致兒患前症母服加味歸脾湯

東垣人參安胃散 治脾虛傷熱乳食嘔吐瀉痢

人參錢一

黃芪錢二

生甘草

炙甘草各五錢

白芍藥分七

白茯苓分四

陳皮分三

黃連分二

右為末每服二錢水煎

愚按東垣先生云益黃散內有丁香青皮辛熱蓋為寒水侮
土而設也若因熱藥巴豆之類損其脾胃或因暑熱傷乳食
而成吐瀉口鼻氣熱而致慢驚者宜服前方

錢氏異功散 治吐瀉不食凡虛冷症先與數服以正胃氣

人參

茯苓

白朮

甘草炒

陳皮各等分

右為末每服二三錢姜棗水煎

愚按前方治脾胃虛弱吐瀉不食或驚搐痰盛或睡而露睛
手足指冷或脾肺虛弱咳嗽吐痰或虛熱上攻口舌生瘡弄
舌流涎若母有症致兒患此者母亦當服之

十全丹 治丁奚哺露

青皮

陳皮

菝朮煨

川芎

五靈脂

白豆蔻

檳榔

蘆薈各五錢

木香

史君子

蝦蟆各一錢

右為末猪胆汁浸糕糊丸麻子大每服二十九米飲下
愚按湯氏云前症因乳哺不調傷損脾胃不思飲食氣血日
損四肢日瘦肚腹漸大是名丁奚呼吸少氣汲汲苦熱謂之

洪百聖

補露屬形病俱虛治以前藥宜佐以異功散壯脾胃以行藥勢庶可得効也

平胃散 治乳食過傷腹鳴嘔吐或米穀不化

厚朴姜汁製 陳皮各三兩 甘草炙二兩 蒼朮五兩米泔浸

右為末每服二錢姜湯調

愚按前方若乳食停滯暖腐吞酸嘔噦惡心者宜服是方若飲食既消脾胃虛弱嘔吐惡心者宜用四君子湯

四君子湯 治脾氣虛損吐瀉少食

人參 白朮 茯苓 甘草各等分

右每服二錢姜棗水煎

愚按前方若脾胃虛弱或因剋伐之劑致飲食少思或食而難化或欲作嘔或大便不實者尤宜用之若兼痰嗽氣逆肢

體倦怠面目浮腫宜六君子湯

六君子湯即四君子加陳皮半夏治脾胃氣虛吐瀉不食肌肉消瘦或肺虛痰嗽喘促惡寒或肝虛驚搐眩暈自汗諸症並宜服此以滋化源

二陳湯 治脾虛中脘停痰嘔吐惡心

半夏泡 陳皮五錢 茯苓二錢 甘草炙一錢

右每服二錢姜水煎

愚按前方若脾虛痰飲嘔吐惡心用之良驗若因飲食傷胃所致宜用六君子湯調補中氣

胃苓湯為末密丸名胃苓膏 治腸胃受濕嘔吐泄瀉

白朮 茯苓 澤瀉 厚朴

猪苓 陳皮 甘草各等分 桂少許

此方治霍亂吐瀉

右為末每服二錢姜水燈心陳皮煎短少

愚按前方若停食吐瀉小便短少湯調作痛宜用此以分利

之更用六君子湯以調補脾胃

釣藤飲子

治一切驚風潮搐自視昏迷

獨活

防風

天竺黃

羌活

川芎

升麻

麻黃

草龍胆

甘草

右為末每服二錢水煎

愚按前方若外感風邪形病但實者宜用之若形氣虛而病氣實者宜用惺惺散加釣藤麻黃若外邪既去而形病俱虛者宜用異功散

肥兒丸 治肝疳食積肢體消瘦二便不調

黃連

神麩

木香

檳榔

肉苳蔻

史君子

麥芽

右為末神麩糊丸麻子大每服一三十丸米飲下

愚按前方若食積五疳發熱口渴大便不調小便不清或頸項結核髮稀成穗寒熱作渴宜用之若脾胃稍虛者用五味異功散兼服虛甚者異功散為主佐以前藥

濟生犀角地黄湯 治脾胃鬱熱衄血吐血

生地黃

犀角

赤芍藥

牡丹皮

右水煎服如無犀角暫以升麻代之

愚按前方若肝脾虛熱吐血衄血便血或發熱作渴大便秘小便赤宜用之若熱既退而渴血未止或目瞶益甚者陰血虛也四物湯加參朮王之若熱既退而飲食少思肢體倦怠

薛氏醫按

保嬰金匱錄卷之

廿

洪百四

者胃氣虛也四君子加當歸主之

徐氏惺惺散 治外感風寒鼻塞痰嗽身體發熱

桔梗 細辛 人參 白朮

甘草 瓜蒌根 白茯苓

右為末每服二錢入薄荷五葉水煎

愚按前方若感寒邪時氣風熱痰壅咳嗽或抽搐痰癆氣

喘便用之若外邪解而病益甚或更美他症但調補元氣

徐氏加減抱龍丸 治風痰咳嗽去天麻即錢氏抱龍丸

雄黃 辰砂 天竺黃 麝香

天麻 牛胆南星

右為末煮甘草糊丸皂角子大三歲一丸薄荷湯下

愚按前方若風熱痰嗽或急驚發搐昏睡咬牙形病俱實宜

用此方若初冒風寒咳嗽痰盛氣喘者屬客邪內作也先用

十味參蘇飲若邪既解而腹脹吐瀉或發搐咬牙腫而露睛

屬脾肺氣虛也用五味異功散切忌祛痰表散若過服而致

前症者尤宜溫補脾肺

十味參蘇飲 治感冒發熱頭疼傷風咳嗽傷寒痰飲凝滯

人參 紫蘇 茯苓 陳皮

半夏 前胡 枳殼 高根

桔梗 木香 甘草

右每服二三錢姜水煎

愚按前方雖有參苓補氣而表散之味或多若病人元氣虛

弱者以六君子加桔梗乾葛補而散之若因感外邪而喘嗽

腹脹或飲食少思大便不實大此脾肺之氣虛也必用六君

子之類庶無悞矣

秘旨安神丸 治發熱驚啼頰赤壯熱

麥門冬去心 牙硝

白茯苓

乾山藥

寒水石煨

甘草錢一五

硃砂兩一

龍腦二分

右為末煉蜜丸芡實大每服半元滾湯化下

愚按前方若口舌生瘡吐舌飲水發熱驚搐啼哭煩躁面赤

屬心經實熱宜用此瀉之若目劓搐搦面青寒熱屬肝經風

熱用六味地黃丸若惡寒飲湯屬脾氣虛弱用異功散若前

症益甚兼手足並冷睡而露睛屬脾胃虛寒也用六君子加

木香炮姜補之

四物湯 治肝脾血虛發熱驚搐癩癘丹毒

當歸

川芎錢各一

芍藥

熟地黃各五分

右水煎服

愚按前方若血虛發熱或因失血或因剋伐或因久病致嘔

熱內熱或煩燥不安皆宜服之經又云血生於脾若脾虛不

能生血者宜用四君子加當歸酒炒白芍以補脾

白朮散 治積痛和胃氣生津液

人參

白朮

藿香葉

木香

甘草

白茯苓各一兩

乾葛二兩

右每服二錢水煎

愚按前方若脾胃氣虛作渴飲湯或因吐瀉津液虧損煩渴

引飲或脾胃虛弱腹脹瀉渴弄舌流涎手足指冷宜服之以

溫補脾氣化生津液

人參平胃散 治心火刑剋肺金咳嗽發熱口渴痰盛

薛氏醫抄

傷寒金匱卷之

十三

共百四

人參

陳皮

地骨皮

茯苓

甘草

五味子

知母

青皮

天門冬

桑白皮

右水煎服

愚按前方若心火剋肺傳為肺痿咳嗽喘嘔痰涎壅盛胸膈痞滿咽嗑不利宜用之若因肝木太過而致當補肺金若因腎水不足當補脾肺若因心火旺而自病當利小便

黃芩清肺飲

治肺火燥熱口渴便秘

黃芩

梔子

右水煎服

愚按前方治肺經陰虛火燥而小便不通若因脾經有熱當清其脾若因心火剋肺當制其心

滋腎丸

治稟父腎虛火燥小便秘赤

黃柏

知母

肉桂

右為末水丸桐子大每服百丸空心白滾湯下

愚按前方若稟父腎虛發熱便赤或足熱腿軟熱在下焦血分最宜此藥如不應或脾肺燥熱所致並宜六味丸以滋其

化原

清胃散

治胃火牙痛或連頭面

升麻

生地黃

牡丹皮

黃連

當歸

右水煎服

愚按前方治脾胃實火作渴口舌生瘡或唇口腫痛齒齲潰爛喉連頭面或惡寒發熱或重舌馬牙吐舌流涎之類于母

並宜服若因胃氣虛弱或因寒涼剋伐胃氣虛熱而口舌生瘡或弄舌發熱飲食少思或嘔吐困睡大便不實流涎齟爛者用五味異功散

補中益氣湯 治中氣虛弱體疲食少或發熱煩渴等証

人參

黃芪各八分

白朮

炙甘草

陳皮各五分

升麻

柴胡各二分

當歸錢一

右姜棗水煎空心午前服

愚按前方若因藥剋伐元氣虛損惡寒發熱肢體倦怠飲食少思或兼飲食勞倦頭痛身熱煩躁作渴脉洪大弦虛或微細軟弱右關寸獨甚亦宜用之大凡久病或過服剋伐之劑虧損元氣而諸症悉具者最宜前湯調補若母有前症致兒為患者尤宜用之

天麻防風丸 治驚風身熱喘粗多睡驚悸手足搐掣

天麻

防風

人參各三分

蝎尾去毒半兩

甘草

硃砂

雄黃各半錢

牛黃錢一

麝香五分

僵蚕炒半錢

右為末煉蜜丸櫻桃大硃砂為衣每服一丸薄荷湯下

愚按前方若因外邪所感風痰壅盛而患急驚者宜用此藥驅散之若因肝脾氣虛風痰壅盛而患似前症用異功散調補之若因脾氣虛肝木所乘而患慢驚者宜用異功散加姜桂溫補之不應急加附子

五淋散 治膀胱有熱水道不通或小腹腫脹者

赤茯苓

赤芍藥各五分

山梔炒

甘草二分

右用燈心十至水煎服

愚按前方果因積熱壅滯而小便不通者宜用是藥治之若過用寒涼損其陽氣而不能化生者用四君子以滋脾肺若稟賦足三陰虛損而患前症者宜用六味地黃丸加車前子補而通之未應更加牛膝最忌疏導

消積丸

治食積面黃大便酸臭

砂仁十二

丁香九

烏梅三

巴豆二粒 去油取霜

右為末糊丸黍米大每服二三丸溫水下

愚按前方溫胃消導之重劑若食積既去而脾氣虧損發熱作渴肢體倦怠飲食少思者當參前五味異功七味白朮二方按法主治

溫脾散

治脾氣虛寒口角流涎

半夏麴

丁香

水香各一兩

乾姜炮

白朮

陳皮各半兩

右為末每服二錢米湯調

愚按前方溫補脾胃之良劑若口渴飲熱肢體倦怠而流涎者宜用異功散加炮姜若肢體發熱作渴飲水而流涎者宜用瀉黃散

供和丸

治飲食停滯胸膈痞滿噯氣吞酸或吐瀉腹痛加白朮

大安丸

神麴炒

山楂

半夏

茯苓各一兩

陳皮

連翹

蘿蔔子炒各五錢

右為末粥丸桐子大每服二三十丸白湯送下

愚按前方行氣剋滯之劑若元氣無虧暴停乳食而致斯症

神效

神效

共

共

者宜用此消導之若元氣虛弱而乳食所傷者必調補胃氣
為主而佐以消導若乳食已消而作嘔者乃胃氣被傷當用
異功散補之不宜仍用前藥重損胃氣治者審之
助胃膏 治脾胃虛寒吐瀉等症

人參

白朮炒

白茯苓

甘草炙

丁香各五錢

砂仁四十箇

木香三錢

白豆蔻十四箇

乾山藥兩

肉豆蔻四箇

右為末蜜丸芡實大每服十九丸米飲化下

愚按前症若吐瀉酸穢是乳食內停也宜用保和丸以消導
之若吐瀉乳食難化是脾胃虛弱也用異功散以調補之若
吐瀉少食腹痛惡心脾胃俱虛也用六君子加木香以培補
若睡而露睛手足益冷或寒戰咬牙脾胃虛寒也用六君子

加木香炮姜以溫補如不應宜急加附子以回陽

牛黃丸 治風癇昏悶抽搐潮熱

牛黃胆製

全蝎

蟬蛻各二錢半

防風

白附子

天麻

僵蚕炒各錢半

麝香少許

右為末煑棗肉杵丸棗豆大煎荆芥生姜湯下

愚按前方兼治風痰咳嗽喘促發熱驚悸不寧實祛風化痰
散氣之藥審有是症而用之其功效如影響也若脾肺氣虛
而痰涎壅盛肝脾血虛而驚癇抽搐必當以固本為主不可
泛用恐虛其虛而益其患也治者慎之

柴胡飲子 治一切肌熱蒸熱積熱或汗後餘熱即宣明柴胡

飲子

黃芩炒

甘草

大黃炒

芍藥炒

柴胡

人參

當歸各等分

右姜水煎服

愚按前方若腸胃壅滯大便秘結作渴飲水表裏實熱者用之若汗後發熱屬血虛氣無所附而浮於外切不可用治者審焉

歸脾湯 治脾血虧損健忘驚悸等症

人參

黃芪

茯神去木各一錢

甘草炒五分

白朮炒一錢

木香五分

遠志去心

酸棗仁炒

龍眼肉

當歸各一錢

右水煎服

愚按前方若乳母憂思傷脾血虛發熱食少體倦或脾不能攝血以致妄行吐下或健忘怔忡驚悸少寐或心脾作痛自

汗盜汗或肢體腫痛大便不調或經候不准晡熱肉熱或頭唇流注等症致兒為患者用之令子母俱服

八味地黃丸即六味地黃丸加肉桂附子各一兩

愚按前方治稟賦命門火衰不能生土以致脾土虛寒或飲食少思或食而不化臍腹疼痛夜多漩溺等症經云益火之源以消陰翳此之謂也或乳母命門火衰兒飲其乳致前症者子母並宜服之

加減八味丸即六味地黃丸加肉桂一兩五味子四兩

愚按前方治稟父腎陰不足或吐瀉久病津液虧損口乾作渴或口舌生瘡兩足發熱或痰氣上湧或手足厥冷等症八寶湯即前四君四物二湯合方也

愚按前方治氣血俱虛陰火內熱或因剋伐之劑脾胃虧損

肌肉消瘦等症

十全大補湯即八寶湯加黃芪肉桂

愚按前方治氣血虛弱或稟賦不足寒熱自汗食減體瘦發熱作渴頭痛眩暈最宜用之

加味逍遙散去牡丹皮山梔各道遙散治肝脾血虛等症

當歸

甘草

芍藥

茯苓

白木炒

柴胡各一錢

牡丹皮

山梔炒各七分

右水煎服

愚按前方若乳母肝脾血虛內熱或遍身搔痒寒熱或肢體作痛頭目昏重或怔忡頰赤口燥咽乾或發熱盜汗食少不寐或口舌生瘡耳內作痛或胸乳腹脹小便不利致兒為患尤宜用之

九味龍胆瀉肝湯 治肝經濕熱或囊癰下疳便毒小便澀滯

或陰囊作痛小便短少愚製

龍胆草

酒炒五分

車前子

炒

木通

當歸尾

澤瀉

各五分

甘草

黃芩炒

生地黃

山梔

各二分

右水煎服即龍胆瀉肝湯

抑肝散 治肝經虛熱發搐以發熱咬牙或驚悸寒熱或木乘上而嘔吐痰涎腹膨少食睡卧不安愚製

軟柴胡

甘草各五分

川芎八分

當歸

白木炒

茯苓

釣藤鈎各一錢

右水煎子母同服

梔子清肝散一名柴胡梔子散治三焦及足少陽經風熱耳內作痒生

磨或出水疼痛或胸乳間作痛寒熱往來愚製

柴胡 梔子炒 牡丹皮各一錢 茯苓

川芎 芍藥 當歸 牛蒡子炒各七分

甘草三分

右水煎服若太陽頭痛加羌活

柴胡清肝散 治鬢疽及肝胆三焦風熱怒火之症或項胸作

痛瘡毒發熱愚製

柴胡一錢 黃芩炒 人參 川芎各一錢

山梔炒 連翹 甘草各五分 桔梗八分

右水煎服

小柴胡湯加山梔牡丹皮 治傷寒溫熱身熱惡風頭痛項強四

肢煩疼往來寒熱嘔穢痰實中暑瘧疾並服之闕註

柴胡二錢 黃芩炒一錢半 人參 半夏各七分

甘草多五分

右姜水煎服

愚按前方若肝胆經風熱肝火燥癯寒熱往來日晡發熱潮

熱身熱不欲飲食或怒火口苦耳聾咳嗽或脇痛脹滿小便

不利或瀉泄吐酸苦水或肢體搐動唇目抽搐並宜用之

砭法 治丹毒疔瘡紅絲走散或時毒瘀血壅盛或色赤走胤

用細磁器擊碎取有鋒芒者以筋劈開頭夾之麻線纏定兩

指輕撮筋稍令磁芒正對患處懸寸許再用筋頻擊之令毒

血遇刺即出凡毒血凝滯於外真氣不能勝散者急用此法

以去之否則為害甚矣

蕪荑散 治蟲動腹痛

白蕪荑

炒

乾漆

炒烟盡
各等分

右為末每服三五分發時米飲調下

愚按前症乃臟腑虛弱或胃冷胃熱而動往來攻心作痛嘔
哭仰身揮手心神悶亂吐涎沫或清水肌瘦沉默皆其症也
保生方云蛔蟲乃凡蟲之一人腹中皆有之其外症腹上青
筋惡心吐水面無正色唇緩而白目無睛光若蟲食上部則
上唇內有白點蟲食下部則下唇內有白點腹中諸蟲朔日
後其頭向上望日後其頭向下如急於用藥先以肉物近兒
烹灸使聞香味蟲頭亦向上則藥易効

調中丸

治泄瀉青白腹痛腸鳴嘔吐酸水不思乳食

人參

甘草

炒

白朮

炒各
五錢

乾姜

四錢
炒

右為末姜汁麴糊丸菘豆大每服二三十九米飲下

愚按前方一名溫中丸即人參理中丸也若腎水侮土而虛

寒者加半夏茯苓陳皮或嘔吐更加藿香泄瀉加木香

香連丸

治諸痢并水瀉

黃連

二兩
淨

吳茱萸

十兩
淨

木香

右將前二味用熱水拌和入磁器內置熱湯日同炒黃連至
紫色去茱萸用黃連為末每末四兩入木香末一兩和勻淡
醋糊丸黍米大每服二十九白湯下

硃砂安神丸治心疳及怔忡心下煩躁

硃砂

四錢

黃連

生地黃

各五錢
碎膏

生甘草

二錢
五分

右為末用米糊丸黍米大每服十九白湯下

人參補肺湯 治肺症因腎水不足虛火上炎咳吐膿血發熱
作渴小便不利

人參 黃芪 白木 茯苓

陳皮 當歸 山茱萸肉 山藥

五味子炒 麥門冬 甘草炒各五分 熟地黃

牡丹皮錢一

右作二三服水煎

補肝散 治肝經氣虛吐血失血或兩脇脹滿筋急百清小腹

脹痛或兩目不明不時叫噉

山茱萸肉 當歸 五味子杵炒 山藥

黃芪炒 川芎 木瓜各五分 熟地黃

白木各二錢 獨活 酸棗仁炒各一錢

右為末每服一錢水煎

越鞠丸 治乳母六鬱傳兒為患或胸滿吐酸齒痛瘡疥等症

蒼朮 神麩炒 香附子 山查

山梔炒 撫芎 麥芽炒各等分

右為末水調神麩糊丸桐子大每服二三十九丸白滾湯下子

母並服

麥門冬散 治脾胃氣虛有熱吐血衄血久不愈者

五味子杵炒 麥門冬 黃芪炒一兩 當歸

人參 生地黃各五錢

右分五服水煎

楊氏十全丹 治丁奚哺露說見前十全丹下

檳榔 枳殼炒 青皮 陳皮

三稜煨 蓬木 砂仁各一兩半 丁香二錢半

木香二錢 香附一兩

右為末神麴糊丸黍米大每服二十丸米飲下
四味肥兒丸一名小肥兒丸治食積脾疳日生雲翳或兩耳出膿或口
舌生瘡牙根腐爛身瘦生瘡或小便澄白腹大筋青一切疳
症

黃連炒 蕪荑炒 神麴 麥芽炒各等分

右為末水糊丸桐子大每服一二十九丸空心白滾湯下
蟾蜍丸 治無辜疔症一服虛熱退二服煩渴止三服瀉痢愈

蟾蜍一枚夏月溝渠中取腹大不跳不鳴身多癩者

神 右取蜚蛆一杓置桶中以尿浸之却將蟾蜍跌死投與蛆食
一晝夜用布袋盛蛆置急流中一宿取出瓦上焙乾為末入
麝香一分粳米飯丸麻子大每服一三十九丸米飲下其効如

柳毒散 治熱毒口瘡

黃柏炒 蒲黃 青黛真正者 人中白煨各等分

右為末敷之
抱龍丸 治傷風溫疫身熱昏睡風熱痰實壅嗽又治驚風潮

搐及蟲毒中暑

雄黃二錢五分 辰砂另研五分 天竺黃一兩 牛胆南星四兩
麝香五分另研

右為末煎甘草膏丸芡實大每服一丸白湯化下

愚按前丸化痰祛邪清熱之功居多屬肝心實熱而致者用
之殊效若脾肺虛熱而見昏睡痰嗽當用寶鑑天麻散以調
補元氣

製附子法

附子重一兩三四錢有蓮花瓣頭圓底平者先脩童便五六
碗將附子放在灶上炙良久乘熱投童便中浸五七日候潤
透搗去皮切四塊仍浸二三日用粗帛數層包之浸濕埋灰
火半日取出切片檢有白星者瓦上炙至無白星爲度如急
用卽切大片用童便炙二三沸熱瓦熟用之

